

元遺山先生全集


上函

卷一至卷四

古賦

五言古詩

七言古詩



元遺山先生集卷第一

照平定張穆陽
泉山莊本校梓

讀書山房刻本

元張德輝頤齋類次

古賦

秋望賦

步裴回而徙倚放吾目乎高明極天宇之空曠閱歲律之
崢嶸於時積雨收霖景氣肅清秋風蕭條萬籟俱鳴菊鮮
鮮而散花雁杳杳而遺聲下木葉於庭臬動砧杵於蕪城
穹林早寒陰厓晝冥濃澹霏拂繞白紵青紛叢薄之相依
浩霜露之已盈送蒼蒼之落日山川鬱其不平瞻彼輶轅
西走漢京虎踞龍蟠王伯所憑雲煙慘其動色草木起而

遺山先生集卷一

一

為兵望崧少之霞景渺浮江之獨征汗漫之不可與期竟
老我而何成挹清風於箕穎高巢由之遺名悟出處之有
道非一理之能并繁南山之石田維景略之所耕老螭盤
盤空谷淪精非雲雷之一舉將草木之偕零太行截天大
河東傾邈神州於西北悅風景於新亭念世故之方殷心
寂寞而潛驚激商聲於寥廓慨涕泗之緣纓吁咄哉事變
於已窮氣生乎所激豫州之土復於慷慨擊楫之誓西域
之俟起於窮悴傭書之筆諒生世之有為甯白首而坐食
且夫飛鳥而戀故鄉嫠婦而憂公室豈有夷墳墓而剪桑
梓視若越肥而秦瘡天人不可以偏廢日月不可以坐失

然則時之所感也非無俟蟲之悲至於整六翻而睨層霄亦庶幾乎鸞禽之一擊

蒲桃酒賦 并序

劉鄧州光甫爲予言吾安邑多蒲桃而人不知有釀酒法少日嘗與故人許仲祥摘其實并米炊之釀雖成而古人所謂甘而不飴冷而不寒者固已失之矣貞祐中鄰里一民家避寇自山中歸見竹器所貯蒲桃在空盎上者枝蒂已乾而汁流盎中薰然有酒氣飲之良酒也蓋久而腐敗自然成酒耳不傳之祕一朝而發之文士多有所述今以屬子子甯有意乎子曰世無此酒久矣子亦嘗見還自西域者云大斤人絞蒲桃漿封而埋之未幾成酒愈久者愈佳有藏至千斛者其說正與此合物無大小顯晦自有時決非偶然者夫得之數百年之後而證數萬里之遠是可賦也於是乎賦之其辭曰

遺山先生集卷一

一

西域開漢節回得蒲桃之奇種與天馬兮俱來枝蔓千年鬱其無涯斂清秋以春煦發至美乎胚胎意天以美釀而飽子出遺法於湮埋索罔象之玄珠薦清明於玉杯露初零而未結雲已薄而成裁挹幽氣之薰然釋煩悃於中懷覺松津之孤峭羞桂醕之塵埃我觀酒經必麴蘖之中媒水泉資香潔之助秣稻取精良之材效眾技之畢前敢一

物之不借艱難而出美好徒酰毒之貽哀繫工倻之物化
與梓慶之心齋旣以天而合天故無桎乎靈臺吾然後知
珪璋玉毀青黃木災音衰而鼓鐘味薄而鹽梅惟揮殘天
下之聖法可以復嬰兒之未孩安得純白之士而與之同
此味哉

新齋賦 并序

子旣罷內鄉出居縣東南白鹿原結茅菊水之上聚書而
讀之其久也優柔厭飫若有所得以爲平生未嘗學而學
於是乎始乃名所居爲新齋且爲賦以自警其辭曰

新之爲說也在金曰從革在木曰從斤上陵爲山而惡乎

遺山先生集卷一

三

畫履霜堅冰而致於馴猶之於人則齊魯有一再之漸狂
聖由念否之分唯夫守一而不變者不足以語化化之爲
神荆陳迹以自觀悼吾事之良勤失壯歲於俯仰竟四十
而無聞聖謨洋洋善誨循循出處語默之所依性命道德
之所存有三年之至穀有一日之歸仁動可以周萬物而
濟天下靜可以崇高節而抗浮雲曾出此之不知乃角逐
乎空文偃北轅以適楚將疇問而知津揜虛名以自夸適
以增頑而益囂我卜我居於浙之濱方處陰以休影思沐
德而澡身蓋嘗論之生而知困而學固等級之不躐憤則
啟悻則發亦愚智之所均齋戒沐浴惡人可以祀上帝潔

已以進童子可以遊聖門顧年歲之未暮豈終老乎凡民已焉哉孰糟粕之弗醕孰土苴之弗真孰味爽之弗且孰悴槁之弗春人安知溫故知新與夫去故之新他日不爲日新又新日日新之新乎

行齋賦

并序

戊子冬十月長壽新居成仲經張君從子卜鄰得王氏之敗屋焉環堵蕭然不蔽風日君爲之補罅漏治蕪穢蓋十日而後可居華門圭竇故事畢舉取君子素其位而行之義名曰行齋而乞文於子予以爲士之貧至於君極矣無祿以爲養無田以爲食無僮僕爲之負販無子弟爲之奔走無好事者爲之謀緩急而助薄少率貲無旬日計泰然以閉戶讀書爲業不以爲失次而以爲當然不以爲怨不以爲憂而又且以爲樂也然則不謂之無媿其名也而可乎迺爲賦云

遺山先生集卷一

四

賦分在人如物有常反鶴與鳧無益短長力有可求勝天不祥福不盈睫一敗莫償莫難養心操存舍亾出入無時兮莫知其鄉飽飢有時而激怒兮殆豢虎之貽殃我思古人動靜有方靜以養虛剛以作強辱以處汙愚以退藏屹中立而不倚溯橫潰而獨障直鉤藩溪之魚禿節單于之羊有漆身以爲厲自被髮而爲狂仕汙世而執翽徇殊俗

而解裳太阿存兼善之達縕袍有不求之臧惟夫長劍大
冠以揖讓人主之前者若固有故木食澗飲雖至於勞筋
骨而餓體膚者爲無傷古有之居不隱者志不廣身不抑
者志不揚士固有遯世而不復見然愈揜而愈彰南山蒼
蒼北風雨霜有蘭不彫俟春而芳偉哉造物又將發吾子
之幽光邪

太阿卽阿
衡見文選

五言古詩

箕山

幽林轉陰厓鳥道人迹絕許君棲隱地惟有太古雪人間
黃屋貴物外祇自潔向厭一瓢喧重負甯所屑降衷均義

遺山先生集卷一

五

稟汨利忘智決得隴又望蜀有齊安用辭干戈幾蠻觸宇
宙日流血魯連蹈東海夷叔采薇蕨至今陽城山蘅華兩
丕堙古人不可作百念肺肝熱浩歌北風前悠悠送孤月

緱山置酒

同內翰馮丈叔獻雷兄
希顏賦詩分韻得賓字

靈宮肅清曉細柏含古春人言王子喬鶴馭此上賓白雲
山蒼蒼平田木欣欣登高覽元化浩蕩融心神西望洛陽
城大路通平津行人細如蟻擾擾爭紅塵蓬萊風濤深鬢
毛日夜新殷勤一杯酒媿爾雲間人

同希顏再登箕山

千年箕山祠蘿徑淡以悄桂樹不復見禿籛餘秋篠盤盤

盡絕頂石豕平木杪長風萬里來筋骸覺輕矯側身望巖
竇解衣憩林表是時夏春交野色亂青縹川光乍明滅地
脈互縈繞岡巒蟻垤出井邑蜂衙擾紅塵洛陽昏白雲太
行曉元功信冥漠一覽疑可了悟彼東山人胸中魯宜小

光武臺

東南地上游荆楚兵四衝游子十月來登高送長鴻當年
赤帝孫提劍起蒿蓬一顧滢水斷再顧新都空雷霆萬萬
古青天看飛龍巋然此遺臺落日荒煙重誰見經綸初指
揮走羣雄白水日夜東石麟幾秋風空餘廣武歎無復雲
臺功

遺山先生集卷一

六

潁亭留別

同李冷仁卿張肅子敬王
元亮子正分韻得畫字

故人重分攜臨流駐歸駕乾坤展清眺萬景若相借北風
三日雪太素秉元化九山鬱崢嶸了不受陵跨寒波淡淡
起白鳥悠悠下懷歸人自急物態本閒暇壺觴負吟嘯塵
土足悲咤回首亭中人平林澹如畫

隱亭

春物已清美客懷自幽獨危亭一徘徊翛然若新沐宿雲
淡川野元氣浮草木微茫盡楚尾平遠疑杜曲生平遠遊
賦吟諷心自足竭來著世網抑抑就邊幅人生要適情無
榮復何辱乾坤入望眼容我謝羈束一笑白鷗前春波動

新綠

出京 史院得告歸
嵩山侍下

從宦非所堪長告欣得請驅馬出國門白日觸隆景半生
無根著飄轉如斷梗一昨隨牒來六月阻歸省城居苦湫
隘羣動日蛙黽慚媿山中人團茅遂幽屏塵泥免相澆夢
寐見清穎矯首孤飛雲西南路何永

元魯縣琴臺

荒城草木合破屋風雨侵千年一琴臺睠焉涕盈襟遺愛
食縣社公甯不堪任此臺卽甘棠忍使無餘陰旁舍高以
華大豪日捐金蒼雲玄武暮鬼物憑陰岑尙德抑玄虛墜
遺山先生集卷一

七

典誰當尋我興薦寒泉百拜公來臨公來不能知落日下
飢禽懷哉空山裏鶴飛猿與吟當年于薦歌補袞一何淡
承平示得意獨能正哇淫君相此一時又復悟良箴諛臣
坐廢黜益亦起幽沈蒲輪竟頽轂香草空溪林寂寞授書
室孤甥舉遺衾生平諒已然薄俗矧來今千山爲公臺萬
籟爲公琴夔曠不竝世月露爲知音人閒蹄涔耳已矣非
公心

元道州文編以元魯山爲元魯
縣又臺今爲玄武祠故及之

灑水 聞郟城張伯
玉計音作

灑水復灑水東望雁行沒殷勤一杯酒遙酌灑亭月永懷
紫髯郎冠佩見突兀巖巖石青峙鬱鬱松秀發裴回功名

會脫落豪俠窟中州有士論指與雷李屈挂弓須扶桑洗
劍必溟渤皇天靳美器一世惜英物神交付冥漠生氣凜
毛髮古來天下馬萬里入超忽良樂不並世燕市空駿骨
狂歌叫秋雲北風撼林樾

雜著五首

集陶句

稟氣寡所諧衣食固無端所業在農桑甘以辭華軒田家
豈不苦歲功聊可觀帶月荷鋤歸裴回工隴閒曖曖遠人
邨紛紛飛鳥還養真衡茅下庶無異患干遙謝荷蓀翁躬
耕非所嘆

守拙歸田園淹留自無成長吟掩柴門遂與塵事冥素月
遺山先生集卷一

八

出東嶺夜景湛虛明揮杯勸孤影杯盡壺自傾遙遙望白
雲千載有淡情

榮叟老帶索原生納決履邈哉此前脩久而道彌著人生
少至百每每多憂慮量力守故轍餘榮何足顧棲遲固多
娛幾人得其趣

桃李羅堂前霜露榮悴之咄咄俗中惡人道每如茲冬嶺
秀孤松卓然見高枝提壺撫寒柯懷此貞秀姿願留就君
住終身與世辭

世短意恆多時駛不可追感彼柏下人泫然沾我衣運生
會歸盡彼此更其之理也可柰何一觴聊可揮酒中有淡

味情隨萬化遺西南望昆墟靈人侍丹池我無騰化術帝
鄉不可期且極今朝樂千載非所知

古意二首

七歲入小學十五學時文二十學業成隨計入咸秦秦中
多貴游幾與書生親年年抱關吏空笑西來頻在昔學語
初父兄已卜鄰跛鼈不量力強欲緣青雲四十有牧豕五
十有負薪寂寥抱玉獻賤薄倡優陳青衫亦區區何時畫
麒麟遇合僅一二飢寒幾何人誰留章甫冠萬古徒悲辛
桃李弄嬌嬈梨花澹丰容盈盈兩無語鱗鱗爭春風春風
何許來草木誰青紅天公亦老矣何意夸兒童昨朝花正
開今朝花已空川流不冝駐併與繁華東榷楠千歲姿翫
隣空谷中陽和不擇地亦復難爲功本無兒女心安用尤
天公

潁谷封人廟

洩洩潁谷雲融融潁川水封君去我久水雲自清美人言
君善諫微意得鄭子特於悔悟時一語發天理大孝動天
地土苴及頑鄙反身而未誠善諫且敗矣如何千載下乃
與茅焦比我行潁川道永念負甘旨願作蘋尾魴因之日
千里

贈荅劉御史雲卿四首

舊聞劉君公學經發源淡驂驪萬里氣聖塗已駸駸大梁
語三日副我夙所欽濂溪無北流此道日西沈百年牛山
木不復秀穹林南風雖寥寥聞絃猶賞音獨憐夸毘子一
我無古今共學君所食適道我豈任相酬無別物徒有好
賢心

阿京吾所畏蚤生號能文初無王家癖聲光自流聞此行
不虛來得接大小君信知珠玉淵足當羔雁羣君家有箕
裘聖學待冊勳但使本根在枝葉復何云殷勤五色筆未
用摧干軍

學道有通蔽今人乃其尤溫柔與敦厚埽滅不復留高臺

遺山先生集卷一

十

當父師排擊劇寇讎真是未可必自私有足羞古人相異
同甯復操戈矛春風入萬物枯枿將和柔克己未有加歸
仁亦何由先儒骨已腐百罵不汝酬胡爲文字閒刮垢搜
癩疣吾道非申韓哀哉涉其流大儒不知道此論信以不
我觀唐以還斯文有伊周開雲揚日月不獨程張儔聖塗
同一歸論功果誰優戶牖徒自開膠漆本易投九原如可
作吾欲起韓歐

老鶴何許來澹與孤雲同相值太虛室悠然復西東聖學
要淡談惜君別恩恩何時沂水上同詠舞雩風

送欽叔內翰并寄劉達卿郎中白文學編修五首

忽忽歲云暮烈烈風霜威舉頭望長安游子從此歸我有平生懷愛君如連枝半年姜肱被所樂良不貴尙恨人事異離合無定時送君酒一杯倩以彈鋏辭上言行路難下言長相思

六月渡盟津十月行汜水風濤脫沈身冰雪危墮指孝子在中野永念負甘旨家貧親已老形瘵心欲死古稱季路孝負米曾百里顧作鯉與魴甯當怨赧尾君歸不可緩獻壽迫歲始遙知慈母心已爲烏鵲喜

一年不製衣春服犯霜風一日僅兩食腸胃不得充生平萬里氣頓入低回中田夫怒攘臂縮首甘旨尊老兵賜顏

還山先生集卷一

十二

色歡喜無所容求索厭朋友勞苦慚僕僮無聊復無聊又復招災凶我有一樽酒澆君塊磊胸君年始三十白髮成一翁顧以寸心微受此百慮攻君窮復何辭不見閑閑公文章二百年不救四壁空

君性我所諳我心君所知凡我之所短君亦時有之謀事恨太銳臨斷恨太遲持論恨太高徇俗恨太卑人道自近始貧富理不齊君自不得飽欲療何人饑乞醯乞諸鄰聖哲有明譏被髮救鄉人智者所不爲且如與人交交有非所宜白黑不復擇豁豁傾心脾泛愛豈不可後悔終自貽又如與人言甯復無失辭刺口論成敗白眼談歌詩世故

穀黃閒能不發其機聞君作損齋似覺豪華非愆忿與室
愆百年有良規與子各努力歲晚以爲期

古人遙相望每恨不同時同時得古人歡樂良在茲君歸
豈不佳交游滿京師門前車馬來笑言慰所思細話洛陽
事高詠嵩山詩宮壺發新勅宮梅耿幽姿故應劉與白亦
復念微之

飲酒五首

襄城作

西郊一畝宅閉門秋草深牀頭有新釀意慳成孤斟舉杯
謝明月蓬華官相臨願將萬古色照我萬古心

去古日已遠百偽無一真獨餘醉鄉地中有羲皇涓聖教

遺山先生集卷一

三

難爲功乃見酒力神誰能釀滄海盡醉區中民

利端始萌芽忽復成禍根名虛買實禍將相安足論驅驢

上邯鄲逐兔出東門離官寸亦樂里社有拙言

離官寸亦樂晉俚諺

云然

萬事有定分聖智不能移而於定分中亦有不測機人生

桐葉露見日忽已晞唯當飲美酒儻來非所期

此飲又復醉此醉更酣適徘徊雲閒月相對澹以默三更

風露下巾袖警微溼浩歌天壤閒今夕知何夕

後飲酒五首

陽翟作

少日不能觴少許便有餘比得酒中趣日與杯杓俱一日

不自澆肝肺如欲枯當其得意時萬物寄一壺作病知柰
何妾婦良區區但媿生理廢饑寒到妻孥吾貧蓋有命此
酒不可無

金丹換凡骨誕幻苦無實如何杯杓閒乃有此樂國天生
至神物與世作酬適豈日無妙理泥濊莫容詰康衢吾自
樂何者爲帝力大笑白與劉區區頌功德

客從崧少來貽我招隱詩爲言學仙好人間竟何爲一笑
顧客言神仙非所期山中如有酒吾與爾同歸

酒中有勝地名流所同歸人若不解飲俗病從何醫此語
誰所云吾友田紫芝紫芝雖吾友痛飲真吾師一飲三百

遺山先生集卷一

三

杯談笑成歌詩九原不可作想見當年時

飲人不飲酒正自可飲泉飲酒不飲人屠沽從擊鮮酒如
以人廢美祿何負焉我愛靖節翁於酒得其天龐通何物
人亦復爲陶然兼忘物與我更覺此翁賢

德禪師清涼草堂

舊隱伊陸巷把茅入宴息新居蘭若峰老屋補漏坼鐘魚
有勝氣餅錫無滯迹回頭仙人隊談笑初未隔結草幾成
壞逆旅誰主客道人那計許一笑山月白多生負詩債秋
物苦催索遙知得新句崧少爲動色

上人舊隱伊陽伊陽有伊陸巷仙人隊者

女兒山

諸峯名

少林

雲林入清溪禪房坐蕭爽激泉潔餘習高鳥喚長往我無
立豹姿漫有紫霞想回首山中雲靈芝日應長

劉曲龍潭

層冰積浩蕩陵谷互吞吐窈窕轉幽壑突兀開淨宇回頭
山水縣亦復墮塵土孤雲鐵梁北宇宙一仰俯風景初不
殊川塗忽脩阻寒潭海眼淨黝黑自太古蟄龍何年臥萬

國待霖雨誰能裂蒼厓雷風看掀舉

山中人歲旱則轉大石入潭以駭龍瞬息

致雨故云

麥歎

遺山先生集卷一

古

借地乞麥種微倖今年秋乞種尙云可無丁復無牛田主
好事人百色副所求盼盼三百斛寬我饑寒憂我夢溱南
川平雲綠油油起來望河漢旱火連東州四月草不青吾
種良漫投田閒一太息此歲何時周向見田父言此田本
良疇三歲廢不治種則當倍收如何落落吾手羊年變雞猴
身自是旱母咄咄將誰尤人滿天地閒天豈獨我讎正以
賦分薄所向困拙謀不稼且不稽取禾亦何由辦作高敬
通惡雨將漂流吾貧有溢觴賢達未始羞單衣適至飢一
劍又崩緣焉知寄食餓不取丞相侯作詩以自廣時用商

聲謳

北邙

驅馬北邙原，踟躕重踟躕。千年富貴人，零落此山隅。萬冢不復識，榛莽餘龜趺。賢愚同一盡，感極增悲歎。粵人惟物靈，生也與道俱。一爲物所眩，遂爾迷厥初。蛻骨幾山丘，百年不須臾。歸盡固其理，交喪亦已愚。陳迹有足悲，柰此萬化塗。焉知原上冢，不有當年吾。

龍門雜詩二首

石樓繞清伊，塵土天所限。人言無僧久，草滿不復剝灘聲。激悲壯山意，出高蹇當年香山老。掛冠遂忘返高情，留詩軸清話入禪版。誰言海山去蕭散，仍在眼溪寒不可涉倚。

遺山先生集卷一

十五

杖西林晚

不見木庵師，胸中滿泥塵。西窗一握手，大笑傾冠巾。青山有佳招，一游負因循。老筇動高興，萬景森前陳。乾元先有期，清伊亦知津。細看潛溪樹，高臥香山雲。學詩二十年，鈍筆死不神。乞靈白少傅，佳句儻能新。遙遙洛陽城，梅花千樹春。山中有怵事，寄謝城中人。

豐山懷古

豐山一何高，古屋蒼煙重。開門望吳楚，鳥去天無窮。連山橫巨鼇，白水互長虹。川原鬱佳氣，自古南都雄。炎精昔季興，臥龍起隆中。落落出奇策，言言揭孤忠。時事有可論，生

晚恨不逢漢賊不兩立大義皎日同吳人操等耳忍與分
河潼奪操而與權何以示至公一民漢遺黎尺地漢故封
守民及守土天地與相終不能禦寇讎顧以寇自攻既異
鴻溝初又非列國從一券損半產二祖甯汝容端本一已
失孤唱誰當從至今有遺恨廟柏號陰風舊聞清冷淵天
籟如撞鐘山經野人語誕幻欺孩童開元有亂階鹿飲溫
泉宮黃猿何爲者乃爾能嘯兇乾坤之大音久鬱理當通
清霜旦夕落仁爾驚羣聾

孔明自謂漢室季興清冷淵黃猿出見廟碑述開元事

乙酉六月十一日雨

一旱近兩月河洛東連淮驕陽佐大火南風捲黃埃草樹

遺山先生集卷一

十六

青欲乾四望令人哀時時怪事發雨雹如李梅我夢天河
翻崩騰走雲雷今日復何日駛雨東南來元氣淋漓中焦
卷意已回良苗與新穎鬱鬱無邊涯書生如老農苦樂與
之偕閭閻聞吉語一笑心顏開酉年酒如漿乾湓安能裁
唯當作高廩多具尊與疊家人笑問我君田安在哉

駛與同

音見魏志

示姪孫伯安

伯安入小學穎悟非凡兒屬句有夙性說字驚老師見汝
挾書歸憶我青衿時青衿昨日耳齒髮忽如茲讀書誤人
多闊疏亦天資元無倚天劍可斷扶桑枝倚梯望青冥愚

者知笑之壯事已無取老謀欲何施幸此掌中孫未染如
素絲就令好紙筆門戶誰當支我有商餘田汝壯可耘耔
便當學種樹未用城南詩

伯安方讀韓集
符讀書城南

種松

百錢買松羔植之我東牆汲井澆塵土插籬護牛羊一日
三摩挲愛比添丁郎昨宵入我夢忽然變昂藏昂藏上雲
雨慘澹含風霜起來月中看細鬣錯鍼芒惘然一太息何
年起明堂鄰叟向我言種木本易長不見河畔柳願盼百
尺強君自作遠計今日何所望

虞鄉麻長官成趣園二首

遺山先生集卷一

七

鑿池水交流築屋山四繞衡門在人境三徑深以悄中庭
八九樹晨坐聽百鳥人生信多慮長寢容未了虛舟有天
游我定物自擾豈不與世竝自是萬物表達觀無不可言
外當意曉

蹉跎匡山游爛漫彭澤酒慨然千載上懷我平生友夫君
負奇節劒氣鬱星斗爲吏非所堪徑去如避走王官唐以
還寂寞蓋已久柴車君來隱清風動林藪至今溪上詩往
往在人口淵明不可作此士甯復有

雜詩四首

相士如相馬滅沒深天機區區銅馬法徒識牝與驪人言

當塗公惡人知其微如何許劭語受之不復疑知人固不易人亦未易知熒妍在水鏡鉛粉徒自欺孰爲仁義人未假已不歸伯樂不可作思與曹瞞期

世事如大弩人若材官然乘勢易發機非是勞控弦又如大水中置彼萬斛船雖有帆與檣亦須風動天不見周公瑾弱齡已飛鷲不見師尙父鷹揚在華顛彼非生而材此豈晚乃賢磁基喻智慧要必有待焉嘆息狂馳子嘗爲愚者憐

崑山有璞玉外質而內美惟其不自衒故與頑石齒和也速於售再獻甘減趾在玉庸何傷惜君兩足耳

遺山先生集卷一

七

堂堂明堂柱根節幾歲寒使與蒲柳同扶廈良勝難我衣敵縕袍我飯苜蓿盤天公方試我劍鋏勿妄彈

采杞

仙苗不擇地榛莽散秋實微霜綠未隕濃露紅欲滴方書尙服餌僮僕課采拾花葉久已厭功實從此得苦荼薦奇味凡醞化靈液人傳東坡事世驗西河術詎口亦自佳輕骨況可必維物多似是致用相萬一向非觀玉篇誰爲分杞棘

宿菊潭

田父立馬前來赴長官期父老且勿往問汝我所疑民事

古所難令才又非宜到官已三月惠利無豪釐汝鄉之單
貧甯爲豪右欺聚訟幾何人健鬪復是誰官人一耳目百
里安能知東州長官清白晝下邳稀我雖禁吏出將無夜
叩扉教汝子若孫努力逃寒饑軍租星火急期會切莫違
期會不可違鞭笞傷汝肌傷肌尙云可天闕令人悲

觀浙江漲

一旱千里赤一雨垣屋敗浙故以江名暴與眾壑會初驚
沙石捲稍覺川谷隘雷風入先驅大塊供一噫千帆鼓前
浪萬馬接後派崩厓不暇顧拔木無留礙憑陵如藉勢洄
漲各有態平分乍舒徐怒觸忽碎壞雲蒸楚樹杪雪映商

遺山先生集卷一

九

嶺背髣髴千丈潮恍與海門對伏飛鬪蛟鱷燃犀出鱗介
陽侯富陰族萬首露光怪翠鬣澹偃蹇鉦鼓亂碣磔永懷
疏鑿力重歎神禹大乾坤海爲壑未礙變橫潰納汗非無
處流惡聊自使投詩與龍盟滌蕩煩一再

時拜大赦五日矣

鶴雀厓北龍潭

層厓閣頭陰水木濙以阻湍聲半空落洶洶如怒虎風生
木葉脫魄動不敢語何年渾沌竅靈物此棲處初從一綫
溜開鑿到神禹雲雨鼓飛浪噴薄齊萬弩藏珠驪龍領百
斛使一吐油油入無底細散不濡縷歸藏海有穴汎溢愁
下土南峯天一柱萬古鎮幽府江山有奇揆落景迫行旅

多勉茹芝人終年看飛雨

五松平

竹港晨露白石門秋氣寒湍流澗壑細路淡茅菅江平
白石出竟日沿清灣四顧不見人山鳥時閒關蒼厓入地
底煙靄青漫漫力盡不能過卻坐空長嘆青天白雲間可
望不可攀虛名竟何得行路乃爾難

阻雨張主簿草堂

溼暑雲氣鬱漫淫成積雨南風竊陰機萬籟困掀舉飛濤
限江岸懸流迫茅宇塊坐百慮滋歸興生鳥羽兒童十日
約竹馬候門廡曾是百里程川塗忽遐阻少游去我久念
南楚世事不可期客心徒自苦

贈荅楊煥然

詩公又已久雅道不復陳人人握和璧燕石誰當分關中
楊夫子高誼世所聞十年玄尚白藜藿甘長貧有來河水
篇四海付斯文斯文有定在桓生知子雲古來知己難萬
里猶比鄰千人國中和要非心所親東楚西南秦望君勞
我神相逢不得語別去徒殷勤白雲不可贈相思秋復春

送詩人李正甫

陽和入枯株靄靄含芳津山頭太古石不與萬物春朝從

木客游暮將山鬼鄰紫芝僅盈朶幽蘭不充紉青雲入長
吁肝膽空輪囷我嘗讀君詩天趣觸眼新秦游得豪宕晉
產餘真淳怒虎不受噬駭鹿未易馴安坐誰不如半生走
逡巡蒼蒼不可問藐藐誰當親青山屨爲塵白日無閒人
空歌東野曲不救西州貧

元遺山先生集卷第一終

遺山先生集卷一

三

聖澤東野曲不救西州貧

空歌東野曲不救西州貧

空歌東野曲不救西州貧

空歌東野曲不救西州貧

空歌東野曲不救西州貧

元遺山先生集卷第二

元張德輝頤齋類次

五言古詩

萬化如大路

萬化如大路物我適相遭往來限鄰屋夢寐阻同袍斷金
幾何人年運劇銷膏相歡顧不足爾戈奚暇操古來太山
名達觀等秋毫蠻觸徒能國螺贏竟誰豪曠蕩覽八紘美
惡自爲曹造物無巧擇大塊有并包暴公今在亾轉燐起
蓬蒿孤心旣悄悄眾口益嗷嗷同塵甯當悔枉已乃爲勞
鹿門有高躅世網儻能逃

遺山先生集卷二

曉發石門渡湍水道中

水經湍音專

疏星澹秋明陰霞絢朝映積雨成坐愁晨光動幽興石門
歸馭引湍浦漁刀竝曠蕩萬景新歸藏四山靜平湖風漪
綠遠岸秋沙淨洋洋游儻逝汎汎輕鷗泳隱顯乖夙心感
寓見真性倦遊時自悼違已將安竟憂端從中來茫茫發
孤詠

放言

韓非死孤憤虞卿著窮愁長沙一湘纍郊島兩詩囚人生
定能幾肺肝日相讎井蛙奚足論禪蝨良足羞正有一朝
樂不償百年憂古來帝王師或從赤松遊大笑人閒世起

滅真浮漚曾是萬戶封不博一掉頭有來且當避未至吾
何求悠悠復悠悠大川日東流紅顏不暇惜素髮忽已稠
我欲升嵩高揮杯勸浮工因之兩黃鵠浩蕩觀齊州

李道人崧陽歸隱圖

北山范寬筆老屨無妍姿南山小平遠澹若韋郎詩崧陽
古仙邨佳處我所知長林連玉華細路入清微連延百餘
家柴門水之溜桑麻蔽朝日雞犬通垣籬媿我出山來京
塵滿山衣春風四十日夢與孤雲飛可笑李山人嗜好世
所稀逢人覓詩句不恤怒與譏道人本無事何苦塵中爲
京師不易居我癡君更癡山中酒應熟幾日是歸期

遺山先生集卷二

黃公廟

羈客無恒居六月走長路清風黃公祠地古欣所遇劒飛
素靈哭龍躍雲雨赴堂堂文成君談笑取帝傳功名要有
命陰相果何豫誰謂圯上人異事驚竹素河清不可俟筋
力疲世故袖閒一編書塵埃歎遲暮

學東坡移居八首

廢地三畝餘十年長蒿萊瓦礫雜糞壤白骨淡蒼苔孤客
無所投卽此營茅齋壟斷豈不苦寢處亦可懷辱身賤者
事甯當惜筋骸伐木荒林中運甓古城隈辛勤八十日吾
事乃得諧買宅必萬錢一錢不天來今晨見此屋一笑心

顏開

誰謂我屋寬寢處無復餘誰謂我屋小十日得安居南榮
坐諸郎課誦所依於西除著僮僕休休得自如老我於其
閒兀兀窮朝晡起立足欠伸偃臥可展舒窗明火焙煖似
欲忘囚拘屋前有隙地客舍不可無花欄及菜圃次第當
耘鉏東野載家具家具少於車我貧不全貧尙有百本書
故書堆滿牀故物貯滿箱渾渾商寶鬲纍纍漢銅章杖節
昭敬恭嚴卯訶痺剛雷文繞杖節獸面出佩璜私印刻王
尊玉斗蛟龍翔逸少留半紙魚網非稷黃亦有曇首帖不
辦作雁行雪景睿思物宣政舊所藏晉公古漁父浩歌濯

遺山先生集卷二

三

滄浪因觀宮騎圖臥駝識提囊谿石舍餘潤奚墨凝幽香
南榮挂風響雲裾珮鏘鏘鏡背先秦書八字環中央讀之
三嘆息此日何時光

壬辰困重圍金粟論升勺明年出青城瞑目就束縛豪釐
脫鬼手攘臂留空橐聊城千里外狼狽何所託諸公頗相
念餘粒分鳧鶴得損不相償抔土填巨壑一冬不製衣繪
纊如紙薄一日僅兩食強半雜藜藿不羞蓬累行粗識瓢
飲樂敵貧如敵寇自信頗亦慙兒啼飯籬空堅陣爲屢卻
滄溟浮一葉渺不見止泊五窮果何神爲戲乃爾虐

舊隱嵩山陽筍蕨豐餽餉新齋浙江曲山水窮放浪乾坤

兩茅舍氣壓華屋上一從陵谷變歸顧無復望樵漁憶還
往風土夢閒曠恍如悟前身姓改心不忘去年住佛屋盡
室寄尋丈今年僦民居臥榻礙盆盜靜言尋禍本正坐一
出妄青山不能隱俛首入羈鞅巢傾卵隨覆身在顏亦強
空悲龍髯絕永負魚腹葬置錐良有餘終身志懲創一作悲愴
國史經喪亂天幸有所歸但恨後十年時事無人知廢興
屬之天事豈盡乖違傳聞人讎敵祇以興罵譏老臣與存
亡高賢死兵飢身死名亦滅義士爲傷悲哀哀淮西城萬
夫甘伏尸田橫巨擘耳猶爲談者資我作南冠錄一語不
敢私稗官雜家流國風賤婦詩成書有作者起本良在茲

遺山先生集卷二

四

朝我何所營暮我何所思胸中有茹噎欲得快吐之溼薪
煙滿眼破鏡冰生髭造物留此筆吾貧復何辭

東坡謫黃州符藥行江湖荒田拾瓦礫賤役分僮奴我讀
移居篇感極爲悲獻九原如可作從公把犁鋤我貧公亦
貧賦分無賢愚論人雖甚媿詩亦豈不如

此州多寓士論年悉肩隨風波同一身奚必骨肉爲倪家
蓮華白每釀必見貽季昌妙琴事足以相娛嬉郭侯家多
書篇帙得徧窺趙子篤於學閒以問所疑王生舊鄰舍窮
達心不移千里訪存歿十口分寒飢獨有仲通甫天馬不
可羈直以論詩文稍稍窺藩籬永懷王與李朔漠行當歸

書來聞吉語報我脫縶維慚非一狐腋不直五穀皮我作
野史亭日與諸君期相從一笑樂來事無庸知

歷下亭懷古分韻得南字

東秦富佳境北渚擅名談茲游亦已久纔得了二三南山
壓城頭十里奎與函泱流出地底城隅滿湖潭金絲弄曉
光玉玦響空嵌清漣通畫舫秀水淡雲龕華峰水中央鬱
鬱堆煙嵐荷華望不極綠淨紛紅酣毒熱非山陽卑溼無
江南承平十萬戶他州隔仙凡劫火土一丘樹老草不芟
巧盡露天質到眼皆奇揆千里歷下亭規摹見覃覃懷賢
成獨詠勝賞何由參

遺山先生集卷二

五

舜泉效遠祖道州府君體

重華初側陋嘗畊歷山田至今歷下城有此東西泉喪亂
二十載祠宇爲灰煙兩泉廢不治漸著瓦礫填蛙跳聚浮
沫羊飲留餘羶我行歷荒基涕下何漣漣舜不一井底下
者何有焉帝功福萬世帝澤潤八埏要與天地竝甯待一
水傳甘棠思召伯自是古所然我欲操畚鍤浚水及其源
再令泥濁地一變清冷淵青石壘四周于祀牢且堅石渠
漱清溜日聽薰風絃優爲泉上叟抔飲終殘年

與張仲傑郎中論文

文章出苦心誰以苦心爲正有苦心人舉世幾人知工文

與工詩大似國手碁國手雖漫應一著存一機不從著著
看何異管中窺文須字字作亦要字字讀咀嚼有餘味百
過良未足功夫到方圓言語通眷屬只許曠與夔聞絃知
雅曲今人誦文字十行誇一目闕顛失香臭瞽視紛紅綠
豪釐不相照觀面楚與蜀莫訝荆山前時聞別人哭

濟南廟中古檜同叔能賦

亭亭祠宮檜鬱鬱上雲雨扶持幾年造物心獨苦青餘
玉川潤根入鐵岸古雖含棟梁姿斤斧安得取流湫地中
久駭浪思一鼓天柱屹不移水國奠平土乾坤此神物甲
乙存世譜瀨鄉留耳孫闕里傳鼻祖秦松徒自汙蜀柏聊
遺山先生集卷二

六

其數會待十抱成茲焉重摩拊

銅鞮次邨道中

山逕一何惡一澗復一嶺昂頭一握天放腳百丈井武鄉
有便道故繞銅鞮境涉險良獨難又復觸隆景巖驂蹄已
穴怨僕氣將癭與世恒背馳用力何自省河汾紹絕業疑
信紛莫整銘石出曠中昧者宜少警少時曾一讀過眼不
再省南北二十年夢寐猶耿耿喻如萬里別鐙火得對影
行役豈不勞聊當忍俄頃

蕭齋

并引

故民部長陵蕭公泰和大安之間名德雅望朝臣無出

其右其爲太原道漕使時不肖方廁諸生閒顧嘗一望
睂宇以爲甚幸然亦以齒少且賤不得與橫經之末而
爲恨也北渡後居陽平見關中人邢公達談公平生往
往色揚而神躍問之知其爲公夫人之猶子也蓋公達
之先人於公恩義良厚而公所以報之者爲甚力公達
初仕部掾年甫三十遂爲州上佐出入臺閣者二十年
雖其材致然亦藉公爲之司命耳予雅知公達之敬公
也凡欲聞公之故則就訪之公達所居之屋乞名於予
因以蕭齋目之且爲之說云士之生世有一鄉之士有
天下之士有一人之所私慕有天下之所共稱分限所
在不能以強人而人亦不得而強之也惟公承王公餘
烈奕葉台鼎世譜完具與當陽杜氏相上下故言氏族
者推其貴出入經史優柔饜飮發擿祕奧不減前輩蔡
無可故言討論者服其博奏讞疑獄致力忠愛一言之
仁利及永久故言斷獄者歸其平彊禦不奪其操公相
不易其介幅巾鄉社坐鎮頽俗故言進退者推其高蓋
天下所共稱非一人之私慕高山仰止其誰曰不然古
人有愛蕭子雲筆札者得蕭之一字遂以名所居況於
其所天平因爲詩以貽公達有好賢如緇衣者請爲同

賦焉

十年金門客一日蓬蒿人煙煤兩椽屋因公名字新昔公
無恙時四海望經綸敦龐一古儒風采自名臣人亾典刑
在百世留清塵師尊世其然況予夙所親愛公入夢想逶
迤見巫神教兒多讀書公言諒諄諄他時門戶改亦惟公
所姻我嘗望公顏道左避朱輪至今誦其詩喜色爲津津
歸秦如未老會買東家鄰

別李周卿三首

行路澀於棘單車望千山歌君歸雲曲清涕留餘潯六年
河朔州動輒得謗訕惟君篤高義日來款柴關古交松柏
心今交桃李顏古人去不返古道挽不還相思一樽酒幽

遺山先生集卷二

八

恨寄山間

風雅久不作日覺元氣死詩中柱天手功自斷鼉始古詩
十九首建安六七子中間陶與謝下逮韋柳止詩人玉爲
骨往往墮塵滓衣冠語俳優正可作婢使望君清廟瑟一
洗箏笛耳

城居日蛙黽局促復局促去作山中客放浪誰檢束溪光
淡於冰山骨淨如玉懷我同心人團茅住澗竹壘綸鮮可
食種秫酒亦足石壇三萬丈醉眼天一粟安得萬里風相

從兩黃鵠

周卿學有淵源東州詩人未見
其比與子約西游如詩中所說

訓韓德華送歸之作

良朋滿東州歲月見忠悃韓侯晚相值意氣尤懇懇我嘗
相斯人趣向識端本立節柏有心樹德蘭在畹官榮睨不
顧寄興浮雲巘今世走名場旗旆幾什偃賤子本無取玉
趾渠往返昨聞遂歸養見謂竹林阮暑涂三百里追送不
憚遠觀君木訥姿百念爲日損顧方慙衣網又被以華袞
桑榆儻可收歲事在穠蓑里門眼中見歸袖勞重挽雞黍
先有期升堂未言晚

渠猶類然

戊戌十月山陽雨夜二首

朔吹作還止雲意鬱以周十月雷收聲陽和自油油此雨
非舊雨春旱歷夏秋道路土三尺今朝見浮漚三城信樂

遺山先生集卷二

九

土凶年未消憂一蝗食禾盡半菽不易求流民四方來斷
港魚鰕稠忍死待一麥秋種且未投乾溼誰所司雩壇徧
九州醉飽到狐鬼巫覡自懷羞帝命制江湖野語良悠悠
龍公爲汝賀桑榆定可收

霏霏散浮煙靄靄集微全出門望白塔但覺襟袖潤繁聲
忽赴節細點復成陣久渴宜未厭已作甯小靳山陽冬候
煖麥腳易滋分土膏入滲漉破粒容可趁此邦信可樂風
土同一晉單車我東來塵土滿歸鬢裏糧失先具閉糴困
餘吝今朝人事改一雨開百順僧窗晚色淨喜極夢爲盡
枕上一詩成鐙花落紅燼

看山

慘慘悲去國鬱鬱賦卜居不采西山薇卽當葬江魚今日
忽有得蕩如脫囚拘青山坐終日忘讀案上書皋壤與山
林使我欣然歎我身天地閒託宿真蘧廬無窮閱有限萬
期亦須更坎止及流行何計疾與徐百年險與夷又似萬
里塗良馭馳康莊九折亦摧車必惟易之就遇險當何如
化化復生生體異理不殊鷺非沐而白烏豈黔而烏誰續
長蹕鶴誰截短足鳧孔墨不煖席盜跖華堂居公車困方
朔太倉飽侏儒杜子露雙肘朝參出無驢輭裘與使馬照
耀輿臺軀天隨隱笠澤杞菊供盤盃擊鮮日爲具大嚼皆

遺山先生集卷二

十

屠沽乖逢自乖逢賦分無賢愚作計窮一我造物良區區
嚮也憂不足乃今樂有餘

九日讀書山用陶詩露淒暄風息氣清天曠明爲韻

賦十詩

行帳適南下居人踟庭戶城中望青山一水不易渡今朝
川涂靜偶得展衰步蕩如脫囚拘廣莫開四顧半生無根
著筋力疲世故大似丁令威歸來歎墟墓鄉閭喪亂久觸
目異平素粉榆雖尙存歲晏多霜露

今日復何日霜氣倏已淒登高有佳招山中古招提翩翩
劉公子王田重相攜乾坤動詩興澗壑忘攀躋霍侯家甚

貧劣有酒與雞城居獸鼙鼓移家此幽棲世網不易逃所向皆塵泥何以濯我纓林間有清溪

山腰抱佛剎十里望家園亦有野人居層厓映柴門昔我東巖君曾此避塵喧林泉留杖履歲月歸琴樽翁今爲飛仙過眼幾寒暄蒼蒼池上柳青衣見諸孫疏鐙照茅屋新月入頽垣

二句先人詩

依依覽陳迹惻愴不能言

霜氣一區薄杳杳秋山空臨高望煙樹黃落雜青紅造物故豪縱窮秋變春容錦障三百里不盡臺山東粲粲黃金華羅生蒿艾叢野人不知貴幽香散秋風秋物自橫陳顧揖苦不供誰能搖醉筆吐句凌清雄

遺山先生集卷二

十一

宇宙有此山閱世過烏疾何人不此遊名姓甯復識茲辰世所重前代多盛集柴桑有故事二謝留後筆併數孟與桓此外誰記憶人生百年內踏地皆陳迹獨惟我輩人興懷念今昔山林與臬壤自古長太息

賞心古難并暮景日易費故人成此游尊酒重相慰新詩互醜唱清談見滋味鱣鯢方偃蹇鼃龜共騰沸懸險劇衰斜清渾雜涇渭爭教十圍腹滿貶憂與畏情親到眞率甯復轉喉諱鄭重伯雅生藉汝聊吐氣

往年在南都閑閑主文衡九日登吹臺追隨盡名卿酒酣公賦詩揮灑筆不停蛟龍起庭戶破壁春雷轟堂堂鞞御

史痛飲益精明亦有李與王玉樹含秋清我時最後來四
座頗爲傾今朝念存歿壯心徒自驚
我在正大初作吏浙江邊山城官事少日放浙江船菊潭
秋花滿紫稻釀寒泉甘腴入小苦幽光出清妍歸路踏月
明醉袖風翩翩父老遮我留謂我欲登仙一別半山亭回
頭餘十年江山不可越目斷西南天

吾山一何高清涼屹相望龍頭出白塔佛屋壓青嶂雲光
見秋半旭日發豪相峩峩寶樓閣金界儼龍象鄉曲二十
年香火闕瞻向金香縣草夢想雲雨上福田行欲近重
爲詩酒障終當陟層顛放眼天宇曠

遣山先生集卷二

七

紫微老仙伯少日見承平甲子五百餘雙瞳益清明披莊
不盈尺翛然澹無營庭柯挂秋蔬老樹風泠泠我有年德
尊公溪鄉曲情思得菊潭酒爲公制頽齡作詩語同游明
年復尋盟看翁九節杖翩翩上崢嶸

留月軒

丈室何所有琴一書數冊花竹結四鄰繁陰散芳澤閒門
無車馬明月卽佳客三人成邂逅又復得驩伯驩伯屬我
歌蟾兔爲動色商聲隱金石桂樹風索索乾坤月與我光
滅卽生魄元精貫當中甯有天壤隔卯君尙奚待言論叅
數百多談令人厭坐墜驚墮憤一笑雞未鳴虛窗自生白

梨花海棠二首

梨花如靜女寂寞出春暮春工惜天真玉頰洗風露素月澹相映蕭然見風度恨無塵外人爲續雪香句孤芳忌太潔莫遣凡卉妬

妍花紅粉妝意態工媚嫵窈窕春風前霞衣欲輕舉金槃渺華屋國豔徒自許依依如有意脈脈不得語詩人太冷落愁絕殘春雨

趙吉甫西園

園名種德

王城比民居近市無閑田閑田八九畝乃在城西偏久矣瓦礫場莽爲狐兔阡高人一留顧老木生雲煙築屋臨清

遺山先生集卷二

十三

流開窗見西山人境偶相值遂無城市喧趙侯嗜讀書兀坐守遺編性情入吟咏古淡無妖妍酸鹹與世殊至味从乃全我作別墅詩請爲子孫傳畊耘有定業歉豐屬之天甯作鹵莽兒袖手待逢年汲古先有齋種德今有園期君在晚歲無庸計目前

臨汾李氏任運堂一首

并序

彥仁從軍久厭於事物之累念欲脫去之而不可得也故嘗鬱鬱不自聊求子發藥之子名其居曰任運堂且爲賦詩

官職有何好慄慄蹈危機車塵及馬足捧手仍低眉棄去

何足道無從脫繫維不如聽其然歲晚儻可期此心未馴
初養虎時飽飢一爲金石止坐閱萬物馳汨泥揚其波哺
糟醲其醜漁父我所學靈均竟奚爲上堂壽慈親兄弟如
墳簾菽水致足樂況有甘與肥人生天地間長路有險夷
遇險卽欲避安得皆通達君家北山翁百世留清規樂天
而知命行矣君何疑

北山翁彥仁之伯祖泰和閒以高道
提點天長胥莘公贈詩有百世清規

及之語故

履危恨無機避禍欣有策後慮徒自密前路甯汝測七戰
歿牖下坐談得刺客周身容孔智伐木不宋尼九折怯乘
險瘴海悲遠謫就令家長安獨不死牀簣人生多憂畏年

遺山先生集卷二

十四

壽幾至百惴惴首尾閒天宇生成窄重泉青雲梯平地黃
土陌乖逢有定在拙計徒巧擇行樂當及時莫待頭雪白

黃土陌見初
學記奴僕門

題張左丞家范寬秋山橫幅

層厓闕長陰細逕緣絕巘梯雲欄千峻廓廓清眺展斜陽
半天赤飛鳥大江遠清霜張秋氣草樹生意翦風雷斫堅
敵旗旆紛什偃崢嶸峯巒出莽蒼林薄晚盤盤范家筆老
懷寄高蹇經營入慘澹得處乃蕭散嵩工動歸興突兀青
在眼何時臥雲身團茅遂疏嬾

宿張靖田家

地屬
壽陽

川涂盡坡陀嶺路入荒梗微茫望煙火向背得廬井殘民
安朴陋倦客喜幽屏兒童聞扣扉租吏有餘警兩厓紛叢
薄沙石立頑獷湍流落空嵌百折不容騁山溪饒風露夜
氣淒以耿園花澹相望邊月空照影淡居苦不早素髮忽
至領誰謂林野人茲焉惜清景

曲阜紀行十首

荒城臥魯甸寒日澹平蕪千年素王宮突兀此城隅我昔
入小學首讀仲尼居百讀百不曉但有墜成珠少長授魯
論稍與義理俱攝齊念升堂壞壁想藏書翩翩七十子佩
服見舒徐慨然望闕里日思膏吾車五原東北晉因循迫
遺山先生集卷一

十五

桑榆今日復何日南冠預庭趨隱隱金石聲恍如夢清都
倬哉神明觀欣幸當何如

殿屋劫火餘瓦礫埋荒基入門拜壇下儼然想光儀憶當
講授初佩服何逶迤登降幾何人鸞鳳相追隨千年仰階
級天險不可躋文杏誰此栽世世傳清規植根得所託在
木將何知

堂堂魯三檜培植出天巧規模欲十抱奇秀俱百繞誰言
甲戌亂煨燼入炎燎青煙干雲上羣鶴空自矯哀哀嶧陽
人腸肺痛如攬魯郊木何限名取惟一少神明信扶持厄
運豈易曉雩臺滿荒榛遠宮餘曲沼紛紛閱成壞何異晏

與早道存有汗隆物齊無壽天霜皮眼中見鬱鬱自塵表
君看太山石萬古青未了

陋巷陋復陋老屋在人境門前軒蓋多閉戶自幽屏近郊
無百畝負郭纔半頃饘粥聊自供取足惟一井此井閱千
歲清節傳箕穎尙想瓢飲初至味久益承德鄰與周旋聖
域容造請貧中有此樂日暮獨何炳泐然窺古甃一勺試
甘冷上池果能神轉盼得淡省塵埃竟何有素髮忽丞領
其學誰我容從之抱修纆

泮宮何所有舞雩但荒臺泮水涸已久北風捲黃埃顧瞻
魯宮宮感極令人哀獻馘亦盛事規模到平淮作計萬萬
遺山先生集卷二
古而今安在哉獨愛鼓瑟翁不與三子偕宗周方訖錄聖
師猶卷懷但欲春服成風乎詠歸來我亦淡蕩人涉世寡
所諧浴沂行有日一笑心顏開

大姦何所如猘獠雄且猛雖然弭耳伏擇肉會一騁卯也
不敗露名與聖師竝天刑竟莫逃不待七日頃曹瞞盜漢
璽僅得保腰領與卯均小人脫網乃差幸小偷學不至適
足污鍤鼎不從市朝肆必就遠方屏兩觀餘坡陀萬世示
頑獷神兵懍可怖過者宜少傲

不見講堂處指似存世譜遺基洙泗閒荒惡餘十畝聖師
既已老自衛歸在魯正樂修六經卒業此其所當時季路

室完整逮建武太僕忠且壯持用方禦侮如何唐盛日一
廢不重舉中和天地位甯復俟庭廡所嗟世道衰師授日
莽鹵空餘千歲井黝黑照終古

白塔表佛屋萬瓦青粼粼何年勝果寺西與姬公鄰塔廟
恣汝爲豈合魯城闔魯人惑異教吾道宜湮淪許行學神
農耒耜手自親當時子孟子直以爲匪民況彼桑門家冀
壤待其身一朝斷生化萬國隨荆榛孟氏非所期安得揚
與荀丹青贊神化舊染爲一新坐令鍾魚地再睹籩豆陳
吾謀未及用勿謂秦無人

遺山先生集卷一
七

天地有至文六籍留聖謨聖師極善誘小智祇自愚文章
何物技不直咳唾餘操戈競虛名望塵拜高車所得不豪
髮咎責滿八區公論懸日星豈直小人儒喻彼失相者俛
不知所如指南一授轡聖門有修塗陽光照薄暮尙堪補
東隅悠哉發渙省灑埽今其初

林墓連魯城方廣十里閒林閒百草具棘刺死不蕃楷槐
作橫理青青闕千年懷人成一慨何止召公賢博陵石翁
媪名字無留鑄兩獸墓前物歲久乃譌傳昨我游魯門規
作孔林篇聖人與天大聖道難爲言所見不一記來者何
述焉詩成私自媿小子良斐然

陰厓轉清溪秋老木堅瘦城居望已遠步覺脫氛垢寶巖
夙所愛丈室方再叩曛黑纔入門徑就石泉漱遙遙金門
寺寶焰出巖竇我豈無盡公昔見今乃又同來二三子寢
飯故相就況有杜紫微琴筑終雅奏曠曠上初日淡樾炯
穿漏透池陟西巘萬里若迎候絕壁三面開仰看勞引脰
兩山老突兀屹立柱圓覆諸峯出頭角隨起隨偃仆不可
無煙霞朝暮爲先後橫互連巨鼇飛墮集靈鷲九華與奇
巧五老失渾厚想當位置初遂欲雄宇宙太行有嶺谷勝
絕無出右大似塵外人詹宇見高秀哀湍下絕壑電擊龍
怒鬪崩奔翻雪窖瑩滑瀉瓊登窮源得懸流偉觀駭初遊

遺山先生集卷二

七

僊人寶樓閣白雨散簷溜天孫拂機絲素錦綉清晝永懷
登高賦意匠困馳驟窘於游暴秦百說不一售林閒太古
石稍復抔飲舊已約銘窪尊細鑿留篆籀茲山緣未了僧
夏容宿留終當勾餘年奇揆盡雲岫

雁門道中書所見

金城留旬浹兀兀醉歌舞出門覽民風慘慘愁肺腑去年
夏秋旱七月黍穠吐一昔營幕來天明但平土調度急星
火遁負迫擗楚網羅方高懸樂國果何所會禾有百騰擇
肉非一虎呼天天不聞感諷復何補單衣者誰子販糶就
南府傾身營一飽豈樂遠服賈盤盤雁門道雪澗淡以阻

半嶺逢驅車人牛一何苦

岳祠齋宮夜宿

煌煌德甯宮望秩年祀永唐來幾焚蕩規制仍峻整龍旂
嚴黼座金闕散光炯嶽拜行且周偉觀竊欣幸青紅留壤
壁兵衛自馳騁木杪見龜趺雄筆映鍾鼎中和昔喪亂已
溺甯再拯有來雁門公赤手揆虎鯁經營入慘澹灑落出
鋒穎凶豎竟自摧神鑒益彪炳青山閱人代今古一炊頃
摩挲盤根槐甲子誰記省榻來石門道煙岫接雲嶺霄漢
瞻上階濃碧插秋影青林雨聲集懸瀑激奔猛森然心魄
動冰雪淒以耿飄飄想僊袂飛下玉蓮井昨夢知是非復

遺山先生集卷二

九

此造真境妙香淨餘習灑氣發新警鶴書來何遲素髮迫
巫領玄壇展衰步似欲逐幽屏高柯月紛紛裴回惜清景

示程孫四首

并州望南宮東南千里餘六年念兒女鬱鬱心不舒程孫
問安否一月兩寄書老我倦出門況是涉畏塗鞍馬二十
日面色爲焦枯白兄應見笑此行亦區區

吾女在吾家先以安卑弱雖然適貴門一味甘儉薄財廉
出仁讓語省見端慤婦道化一州母女皆願學州人聞我
至相與喜且愕謂我六十翁齒髮未衰落擊鮮日爲具和
氣動城郭爲說壻女賢宅相知有託乃公私有賀一月醉

杯杓生女四十年今有爲父樂

直孫年志學玉立無纖瑕簡孫甫勝衣芳蘭茁其芽粲粲彩翠翔鳩雛映朝霞諸孫獻翁壽喜極復長嗟吾母河南君閨門靜無譁殷勤教女孫乃今成汝家老我何足道外舍儘得誇

會聚樂不貲言別懷以惻風雲動老懷車馬見行色明年吾六十家事斷關白惟當近酒醲亦復拋書冊提攜兩童子款段或下澤玉雪念吾孫未覺千里隔乘興徑一來暮壻當速客

九月初霖雨中感寒痺作

遺山先生集卷二

三

留飲工作崇臂股半風淫風淫喜陽景旬浹坐秋霖兒寒盍跳梁衰暮苦難任病枕怯遙夜破窗風露浚兩年魏大名千門響霜隄客行足糴糲家居但疏衾絢絲不易得倏蟲徒自吟無衣思南州傷哉非獨今

同白兄賦瓶中玉簪

畏景眾芳歇仙葩此夷猶冰姿出新沐娟娟倚清秋昨夢今見之風鬢玉搔頭誰言閨房秀高情渺林丘碧筵古銅壺一室香四周懷人成獨詠遠思徒悠悠

野史亭雨夜感興

私錄關赴告求野或有取秋兔一寸毫盡力不易舉衰遲

私自惜憂畏當誰語展轉天未明幽窗響疏雨

哭延孫

兒生去年冬閨里日相慶今年迫周晬疹痘俱已竟爛斑
綴錦衫未與玉雪稱宅相望此孫惜愛均氣命一宵誰奪
去遽有亾辜橫情鍾未難忘力挽將安勝憶昔點妝初季
女抱臨鏡灼灼芙蓉花澹與清波映霜風入芳渚瘦綠餘
荷柄嬌紅耿在眼百喚不一應寂寞空鏡前老眼淚如迸

贈鶯

鄰牆擁高樹溪樾蔭衡宇山禽十百種晨夕所棲處獨愛
黃栗留姬娃如穉女笑啼啼又笑宛轉工媚嫵低窺疑欲

遺山先生集卷二

三

下轉盼忽驚舉花暗柳陰陰尙記兒時語詩家此尤物名
字隕樂府天真累絲竹客服仍楚楚宮額畫眉闊黛黑抹
金縷恨不掌上看毛羽得細數山城無與樂好鳥亦求侶
時將貫珠來有唱當和汝

讀書山月夕二首

層厓多古木細路淡莓苔柴門開曉日雲際青山來靜中
有真趣孤賞何悠哉
久旱雨亦好旣雨晴亦佳胡牀對明月樹影含清華牆東
有洿池敲枕聽鳴蛙

繼愚軒和党承旨雪詩四首 以下續編

南來何所如孤根轉風蓬以彼萬里塗寄此一畝宮明窗
一繩牀稍覺紛華空唯餘作詩癖尙與當年同人言詩窮
人無詩吾自窮此世等夢耳誰窮復誰通茹噎當使吐聊
此寬吾胸

今古幾詩人擾擾劇毛粟吾愛陶與韋冷然如冰玉大雅
久不作聞韶信冷肉求音扣寂寞一嘆動鄰屋水風清鶴
夢月露洗蟬腹白頭兩遺編吟唱心自足誰爲起九原寒
泉薦芳菊

老麻臥雲壑澗松上崢嶸斯文要棟梁頽圯可力撐匠石
殊未來破屋鐙青熒乾坤有二鳥一息當一鳴區區用舍

遺山先生集卷一

三

閒而亦隨重輕百挽迹莫前一怒怨已盈臨風三太息此
意何時平

愚軒具詩眼論文貴天然頗怪今時人雕鐫窮歲年君看
陶集中飲酒與歸田此翁豈作詩直寫胸中天天然對雕
飾眞贗殊相懸乃知時世妝粉綠徒爭憐枯淡足自樂勿
爲虛名牽

寄英禪師時住龍門寶應寺

我本寶應僧一念墮儒冠多生經行地樹老井未涸一窮
縛兩腳寸步百里難空餘中夜夢浩蕩青林端故人今何
如念子獨輕安孤雲望不及冥鴻杳難攀前時得君詩失

喜忘朝餐想君亦念我登樓望青山山中多詩人杖屨時
往還但苦詩作祟況味同酸寒清涼詩最圓相和尚住清涼往往

似方干半年臥牀席瘡我疥亦頑本草松枝條松脂塗疥頑者三兩度濟甫

詩最苦僧源字濟甫宋州人寸晷不識閒傾身營一飽船上入節灘

安行詩最工慕容安行山陽人臨潼簿六馬鳴和鸞鬱鬱飢寒憂慘慘

日在顏老秦詩最和秦略字簡夫陵川人平易出淡艱脫身豺虎叢

白髮濯悍鰓張侯詩最豪前登封令張效字景賢雲中人驚風卷狂瀾竅

繁天和洩外腴中已乾城中崔夫子崔遵字懷祖燕人老筆鬱盤

盤家無儋石儲氣壓風騷壇我詩有凡骨欲換無金丹

吟二十年似欲見一斑大笑揶揄生已復不相寬愛君梅

遺山先生集卷二

三

花篇入手如彈丸愛君山堂句淡靜如幽蘭詩僧第一代
無媿百年閒思君復思君恨不生羽翰何時溪上石清坐

兩蒲團

夢歸

虛庭霜夜寒落葉風自掃恍如南窗月坐失西山道長安
佳麗地游子自枯槁人生家居樂學稼苦不早衡門眼中
見歸意滿秋草夜夜長夢已盡愁絕令人老

耶文炳心遠齋二首

茅齋迫官居塵土日蓬勃道人掩關坐挂眼無外物明窗
一蒲團濯足晨理髮一片萬古心清潭兩明月

止性如止水惜身如惜玉婦姑得相安久矣脫羈束兒童
挾書至燈花催夜讀自是周太常生平耐幽獨

蕭寺僧歸橫軸

山空秋草寒露暗光已夕悠悠松門月靜照禪客入遙知
夜堂淡疏鍾動幽寂

祁陽劉器之以墨竹得名今年春薄游鹿泉因爲子
寫真重以小景見餉凡以求子詩而已賦二十韻

荅之

去國二十年跬步卽異境中間歷齊晉陛下如墮井轍涸
困波神祠廢臥土梗壘翅附危柯飢腹得畫餅旱樾竝牛

遺山先生集卷二

三

驥泥淖閔蛙黽紛紛疲應接錄錄陪造請尙賴翹生賢真
味留雋永蹉跎鐘鼎意盡付銅尾秉劉生工寫照游戲出
俄頃高懸大圓鏡寓我形神影青衿昨日爾素髮忽壘領
詩餘飯山瘦智縮武庫瘞霄漢邈南宮寂寂媿鄧耿包虎
錦衾爛僻鶴霜毛整鼠目與麈頭何堪汚毛穎厚貺久未
報重以大年景叢篠點棲禽樹石帶煙暝知君淡意在勸
我事幽屏衡茅方卜築亦復謀一頃封龍有佳招因之發
淡省

荅王輔之

我宅西山隅君居潁之濱昨朝與君語憶我山中春君家

縣豪傑交結通周秦四海盧御史自來作師賓風流被諸
郎文質猶彬彬乃知父兄意潤屋亦潤身喪亂幾何時孤
身走跋踈貂裘風霜老獨有佳句新被褐懷珠玉知君未
全貧我詩初不工研磨出艱辛雖欲尸祝之芻狗難重陳
顧方媿盈川況敢同照鄰汾流清復清堪君濯纓塵居人
與行客早晚期相親

寄題沁州韓君錫耕讀軒

東帶見督郵甘以辭華軒嘯傲南窗下且樂我所然斜川
今在亾問津有遺編行尋柴桑里遂得桃花源無漢
魏況復義熙前讀書與躬耕兀兀送殘年淵明不可作尙
遺山先生集卷二一
三
友乃爲賢田家豈不苦歲功聊可觀讀書有何味有味不
得言遙知一尊酒琴在亾絃

元遺山先生集卷第三

讀書山房刻本

元張德輝頤齋類次

七言古詩

虞坂行

丙子夏五月將南渡河
道出虞坂有感而作

虞坂盤盤上青石石上車蹤淡一尺當時騏驥知柰何干
古英雄淚橫臆龍蟠於泥易所歎麟非其時聖爲泣玄龜
竟墮余且網老鳳常飢竹花實天生神物似有意驗以乖
逢知未必若論美好是不祥正使不逢何足惜孫陽騏驥
不竝世百萬億中時有一乃知此物非不逢轅下一鳴人
已識我行坂路多閱馬敢謂羣空如冀北孫陽已矣誰汝

遺山先生集卷三

一

知努力鹽車莫稱屈

畫馬爲邢將軍賦

大宛城下戰骨滿駑駘入漢龍種藏將軍此紙何處得便
覺房駟無光
人中馬中兩勃敵
天門雁門皆戰場
并州父老應相望
早晚旌旗上太行

秋蠶

室人篋中無寸縷一箔秋蠶課諸女朝來飼卻上馬桑隔
簇仍聞竹間雨阿容阿璋墨滿面畫徹灰城前致語上無
蒼蠅下無鼠作繭直須如甕許東家追胥守機杼有桑有
稅吾猶汝官家恰少一絢絲未到打門先自舉

南溪

南溪酒熟清而醅北溪梅花發興新前年去年花下醉今年冷落花應嗔梅花娟娟如靜女寂寞甘與荒山鄰詩人愛花山亦好幽林穹谷生陽春風鬟峩峩一尺雲芳香幽臥如相親山堂夜半北風惡一點相思愁殺人

送郝講師住崇福宮

郝平晉人

大方之家幾知津郝君七十老斲輪書文五車喙三尺劇談混沌今猶神太玄博士爲絕倒君言夸矣天公嗔長安冠蓋羅青雲洛陽車馬爭紅塵怪君掉頭不肯住寂寞來作由東鄰崧高維岳古所秩三十六帝有外臣玄都石壇待廳馭宮殿突兀松輪囷上界僊人鄧雲山洞天治所名司真蓬萊方丈去不遠明星玉女時相親瑤華可擷蘭可紉煙霞永隔塵中人黃鵠一去不復返白鷗萬里誰能馴爲我殷勤謝鄧君玉華歲晚當平分

范寬秦川圖

張伯玉歿後同麻徵君知幾賦

亂山如馬爭欲前細路起伏蛇蜿蜒秦川之圖范寬筆來從米家書畫船變化開闔天機全濃澹覆露清而妍雲興霞蔚幾千里著我如在峩嶠巔西山盤盤天與連九點盡得齊州煙浮雲未清白日晚矯首四顧心茫然全秦天地一大物雷雨瀕洞龍頭軒因山分勢合水力眼底廓廓無

齊燕我知寬也不辨此渠甯有筆如修椽紫髯落落西溪
君長劍倚天冠切雲望之見之不可親元龍未除湖海氣
李白豈是蓬蒿人愛君恨不識君早乃今得子胸中秦作
詩一笑君應聞子七年前過鄆城伯玉知子來而都無賓
主意子亦偃蹇而去爾後雖願交而髯歿
矣未嘗不以爲恨也今日子思兄弟出此圖求子賦詩酒
惡無聊中勉爲賦此畫本米元章家物有韓子蒼題名元
章以爲中立而元暉以爲中正以子觀之此
特張髯胸中物耳知者當不以吾言爲過云

赤壁圖

馬蹄一蹴荆門空鼓聲怒與江流東曹瞞老去不解事悞
認孫郎作阿琮孫郎矯矯人中龍顧盼叱咤生雲風疾雷
破山出大火旗幟北捲天爲紅至今圖畫見赤壁髯髯燒
虜留餘蹤令人長憶睂山公載酒夜俯馮夷宮事殊興極
憂思集天澹雲閒今古同得意江山在眼中凡今誰是出
羣雄可憐當日周公瑾憔悴黃州一禿翁

寄荅溪南詩老辛愿敬之

五年不喚溪南渡日夕心馳洛西路山中今日見君詩惘
悵良辰又相悞龍蛇大澤變風景虎豹天門鬱煙霧丈夫
不合把鉏犁青鬢無情忽衰素平泉漫作窮愁志笠澤休
題自憐賦長安正有五侯鯖骭誰能作樓護青鐙老屋
淡蓬蒿蝙蝠掠面莎雞號劒歌夜半激悲壯松風萬壑翻
雲濤區區墓上曹征西我知慚媿王東臯人生只有一杯

酒螟蛉蝶蠃安能豪

西園

興定庚辰
八月中作

西園老樹搖清秋。畫船載酒芳華遊。登山臨水祗煩憂。物色無端生暮愁。百年此地旃車發。易水迢迢雁行沒。梁門回望繡成堆。滿面黃沙哭燕月。熒熒一炬殊可憐。膏血再變爲灰。煙富貴已經春夢後。典刑猶見靖康前。當時三山初奏功。三山宮闕雲錦重。璧月瓊枝春色裏。畫欄桂樹雨聲中。秋山秋水今猶昔。漠漠荒煙送斜日。銅人攜出露槃來。人生無情淚沾臆。麗川亭上看年芳。更爲清歌盡此觴。千古是非同一笑。不須作賦擬阿房。

遺山先生集卷三

四

愚軒爲趙宜之賦

心生心化誰搏控。舉世佺偃皆大夢。百年只辦作朝三。爭識羣狙先汝弄。人人具此清淨眼。姿翳無根嗟自種。天機嗜欲涇渭雜。道念紛華鄒魯闕。令人卻羨愚軒愚。一蹴藩籬開廓空。愚軒虛室久。生白掌上精。冥元自洞氣。蓀神火俱長。物豈有古方。傳管宋人言。此眼本無負。死恨冥行人。所共智。愚何豫。阿堵中。或者桔槔賢。抱甕病。瘡能指。跛能履。眉睫雖存甯。復動我云俗。士蔽一曲全。笑不全。從古眾渠儂。六鑿日相攘。內不錙銖。徒外重。守宮綠。壁夸覆。射懸蝨。如輪規。命中天和。一洩不知止。膏火自焚良。可痛從教。

目比方相多纜與瞽師論伯仲先生真是有道者老境一
愚聊自送五官止廢而神行就令有眼將無用寄謝諸方
五味禪葛藤莫作金銀頌

雙峯競秀圖爲參政楊侍郎賦

江煙霏霏雲拂石山木蕭蕭山鬼泣江岸人家失南北兩
峯突兀何許來元氣淋漓洗秋碧畫家晴景費經營共愛
移山入杳冥安得北風吹雨去倚天長劍看崢嶸

西窗

西窗烏聲千種好樹影離離動微風青山滿前掩書坐欲
話懷抱無人同花枝不笑綠鬢改尊酒自與黃金空少年
樂事總消歇落日澹澹天無窮

遺山先生集卷三

五

二月十五日鶴

九龍岡上玄元祠人言尊像神所遺年年二月降靈鶴來
無定數有定期城頭曉露生新警萬首望穿雲際影不知
濁世誰下臨只許霜毛見修整石壇花落松風冷戛然長
鳴人語定百年驚老誇見聞萬里黃冠赴靈應只從游騎
突重圍城郭併與人民非可憐侈殿荒墟裏無復當年丁
令威

聞欽叔在華下

翰林僊人詩酒豪平生嵇阮參遊遼山中草棘滿霜雪可

惜渠家宮錦袍聞君忍飢讀離騷思之不見心爲勞舉頭
西望忽大笑太華落落長庚高

閻商卿還山中

阿卿去月從我來今日西山成獨往野人不是城中物澗
飲巖樓夢餘想翰林溼薪爆竹聲待詔履穿沾雪行蘭臺
從事更閒冷文書如山白髮生孤鐙靜照寒窗宿北風夜
半歌黃鵠田家閉門風雪深梅花開時酒應熟半世虛名
不療貧棲遲零落百酸辛憑君莫向山中說白石清泉笑
殺人

女儿山避兵送李長源歸關中

遺山先生集卷三

六

山骨棱棱雪花白北風不貸單衣客與君此別欲何言若
箇男兒不湮阨相濡相响尙可活轆釜何曾厭求索從知
鮫鱷無隱鱗芥視三山需一擘自古飢腸出奇策漢廷諸
公必動色見君軒蓋長安陌

雪後招鄰舍王贊子襄飲

去年春旱百日強小麥半熟雨作霜青山無情不留客單
衣北風官路長遺山山人仗倆拙食貧口眾留他鄉五車
載書不堪煮兩都覓官自取忙無端學術與時背如瞽失
相徒俛偃今年得田昆水陽積年勞苦似欲償鄰牆有竹
山更好下田宜秫稻亦良已開長溝掩烏芋稍學老圃分

紅薑宋公能詩雅好客勸我移家來水旁一閒入手豈易
得夢中我馬猶玄黃君不見并州少年作軒昂雞鳴起舞
望入荒夜如何其夜未央賣刀買犢未厭早腰金騎鶴非
所望河南冬來已三白土膏墳起如蜂房崧山東頭玉旆
出父老知是豐年祥南溪酒熟梅花香高聲爲喚牆東王
便當過我取一醉聽歌長安金鳳皇

李汾長源長安金鳳皇
者濟梁間田舍兒所歌

半山亭招仲梁飲

孤城鬱鬱山四周外人乍到如纍囚半山亭前浙江水只
可與君消百憂江山百年有此客雲樹六月生涼秋世上
遺山先生集卷二

七

紅塵爭白日一丘一壑去來休

鄧州城樓

鄧州城下湍水流鄧州城隅多古丘隆中布衣不復見浮
雲西北空悠悠長鯨駕空海波立老鶴叫月蒼煙愁自古
江山感游子今人誰解賦登樓

宛丘歎

秦陽陂頭人迹絕菽花茫茫白於雪當年萬家河朔來盡
出牛頭入租帖蒼髯長官錯料事下考大笑陽城拙至今
三老背腫青死爲逋懸出膏血君不見劉君宰葉海內稱
飢摩寒拊哀孤惇碑前千人萬人泣父老夢見如平生冰

霜紉袴渠有策如我錄錄當何成荒田滿眼人得耕詔書

已復三年征早晚林閒見雞犬一犁春雨麥青青

髻李令南陽配

流民以牛頭租迫而逃者餘萬家劉雲卿御史宰葉除逃戶稅三萬斛百姓爲之立碑頌德賢不肖用心相遠如此李之後十年予爲此縣大爲通懸所困幸卯七月農司檄子按秦陽陂田感而賦詩李與劉皆家宛工故以宛工嘆命

篇

游黃華山

黃華水簾天下絕我初聞之雪溪翁丹霞翠壁高歡宮銀
河下濯青芙蓉昨朝一游亦偶爾更覺摹寫難爲功是時
氣節已三月山水赤立無春容湍聲洶洶轉絕壑雪氣凜
凜隨陰風懸流千丈忽當眼芥蒂一洗平生胸雷公怒擊

遺山先生集卷三

八

散飛雹日腳倒射巫長虹驪珠百斛供一瀉海藏翻倒愁
龍公輕明圓轉不相礙變見融結誰爲雄歸來心魄爲動
蕩曉夢月落春山空中僊人九節杖每恨勝景不得窮
攜壺重來巖下宿道人已約山櫻紅

巨然松吟萬壑圖

胸中刺鯁無九澤畫裏風煙纔一漚阿師定有維摩手斷
取江山著筆頭石林蒼蒼厓寺古銀河浩浩松聲秋方外
賞音誰具眼莫將輕比李營工

密公寶章小集

天東長白大寶幢天河發源導三江有木蔽映山朝陽云

誰巢者雛鳳皇雲間吐氣日五色百鳥不敢言文章名都
盤盤魏大梁黃金甲第羅康莊王家書絕畫亦絕欲與中
祕論低昂密公書院無絲簧窗明几潔凝幽香元光以後
門鑰廢文士稍得連壺觴客來喜色浮清揚典衣置酒餘
空箱生平俊氣不易降眼中俗物都茫茫淵明素琴嵇阮
酒妙意所寄誰能量在昔武元握乾綱扶桑爲弓射八荒
獵取大國如驅羊取一作兩民風朴魯資鷲彊文洽未及武剋
剛興陵之孫越王子天以人瑞歸明昌十三執經侍帝旁
十八健筆陵阿房撐腸文字五千卷靈臺架構森鋪張高
陽苗裔襲眾芳胡不置之貢玉堂袖中正有活國手地下

遺山先生集卷三

九

纔得修文郎悲風蕭蕭吹白楊正山零落可憐傷承平故
態耿猶在拂拭寶墨生輝光恰似如庵連榻坐一甌春露

澹相念

明昌寶玩羣玉中祕內府圖書印也越邸有柳公

權紫絲鞋歐率更海上楊凝式乞花等帖然獨推
元章華化爲古今絕筆宋畫譜山水以李成爲第一國朝
張太師浩然王內翰子端奉旨品第書畫謂成筆意繁碎
有畫史氣象次之荆關范許之下密公識賞超詣亦以此
論爲公郭乾暉雀棘公以爲當在太古無上唐以來諸人
筆虛筆實皆非其比故子詩及之構軒公自號也又所居
有如庵詩集號如庵小稿越王諸子惟構軒貧甚典衣沽
酒之可蓋實錄云甲午三月二十有一日爲輔之書于聊城至覺寺之寓居

荆棘中杏花

牆東荒溪抱邨斜荆棘狼藉盤根芽何年月杏此留種小
紅濺濺爭春華野人慣見謾不省獨有詩客來咨嗟天真

不到鉛粉筆富豔自是宮闈花曲池芳逕非宿昔蒼苔濁
酒同天涯京師惜花如惜玉曉擔賣徹東西家杏花看紅
不看白十日忙殺遊春車誰家園亭有此樹鄭重已著重
幃遮阿嬌新寵貯金屋明妃遠嫁愁清笳落花縈簾拂牀
席亦有飄泊沾泥沙天公無心物自物得意未用相陵誇
黃昏人歸花不語唯有落月啼棲鴉

太白獨酌圖

宣和所藏
李伯時筆

謫僊去世三百年海中鯨魚渺翩翩豈知龍眠天馬筆忽
有玉樹秋風前金鑿歸來身散僊世事悠悠白髮邊會稽
賀老何處在千里名山人酒船清景已隨詩句盡風流合
遺山先生集卷二
十
向畫圖傳往時長安酒家眠焦遂不狂張不顛想得三更
風露下醉和江月弄江煙

松上幽人圖

宋宗婦曹夫人仲婉所
畫上有曹道沖題詩

秋風謾謾松樹枝僊人骨輕雲一絲不飲不食玉雪萎竹
宮月夕頻望祠竟不下視齋房芝人閒女手乃得之眼中
擾擾昨暮兒畫圖獨在羲皇時子懷渺兮幽林思

送張君美往南中

南朝辭臣北朝客棲遲零落無顏色陽平城邊握君手不
似銅駝洛陽陌去年春風吹雁迴今年雁逐秋風來春風
秋風雁聲裏行人日暮心悠悠長江大浪金山下吳兒舟

船疾於馬西湖十月賞風煙想得新詩更瀟灑

戲題新居二十韻

去冬作舍誰資助縣侯雅以平原故賢郎檢視日復日規
制從頭盡牢固南風一夕怪事發突兀楮垣殘半柱乞漿
得酒過初望曲突徙薪忘後慮長淮千里燕巢林明月一
枝烏遶樹東家老屋西北走眾木枝撐留少住由來馬隊
非講肆況與毳牢通過路聚廬託處何暇擇重爲主人推
獎悞夏秋之交十日陰抱被倚門愁旦暮君問新居在何
許只去火餘纔數步學宮分地與閒冷使館有牆遮雜汗
就中此宅尤費手官給工材半傭雇十寒一暴半載強纜
得安牀置鐙釜紛紛暗被兒女笑老虎般彪今幾度胸中
廣廈千萬間天地一身無著處北來衣冠日枯槁十九桃
符傍門戶乾坤血肉得此身賸有把茅能勿懼上方下比
良易見好惡且當隨所遇仰看片瓦聊自賀疾過巖牆甯
反顧合歡明日召諸鄰狼藉盃盤從飽吐

贈蕭鍊師公弼

吾家阿京愛公弼吾家澤兄敬公弼半生夢與公弼游豈
意相逢在今日春風和氣在睂宇玉壺冰鑑藏胸臆人間
萬事君自知未必君材人盡識蘇門水木無纖埃聞君家
近公和臺仙家近日多官府黃帽青鞋歸去來

時次佛老家甚急故

送弋唐佐董彥寬南歸

且為潞府諸公一笑

河汾續經名自重附會人嫌迫周孔史臣補傳久已出浮
議至今猶洵洵辭收文志誰所傳貴甚竹書開汲冢沁州
破後石故在為臙為虜吾亦恐暑涂十日來一觀面色為
驚足為腫淡公淡癖何所笑但笑弋卿堅又勇自言浪走
固無益遠勝閉門親細穴摩挲石刻喜不勝忘却崎嶇在
岡隴潞人本淡新有社淡事重重非一種有人六月訪琴
材不為留難仍從吏懸知蠟本入渠手四座色揚神為疎
他時記籍社中人流外更須增一董

遺山先生集卷三

三

蕭仲植長史齋

修武作

張顛飲豪傾四座脫帽狂呼誰敢和南宗北宗知幾人醉
眼紛紛飛鳥過是公技進不名技元氣淋漓隨咳唾偶然
捉筆本無意自有龍騫并虎臥當時誰有戰國策
長史帖云借戰國策可付門外雷車忽驚墮天星無數不知名色正
寒纔七箇蕭郎家世陵谷後爭信空囊蓄奇貨蕭齋故事今
復舉未怕秋風吹屋破護持有物世共喜不獨一時為子
賀藏身夜壑未厭淡隄備有人來倚柅

送宋省參并寄潞府諸人

茅齋團團蝸殼大苦被傍人嘲塞破官豪眼孔十萬緡未

與書生供一唾長衫只辦包瘦骨故紙何緣變奇貨不因
三致大耳兒老雪屯門甘凍臥國中腐鼠凡幾嚇玉上青
蠅非一箇荆人美璞別之招君足幸存仍可賀雲間太行
青在眼上客歸來傾四座因君寄問社中人前日淡公行
復過

覓神霄道士古銅爵

雷章著土紛朱碧秋茵春蒲人不識若非儀狄墓中來應
是杜康祠下得古人偶得酒之傳摸索飲器流饒涎巧偷
豪奪吾何敢他日酬君九府錢

賦澤人郭唐臣所藏山谷洮石研

研有銘云王將軍
爲國開臨洮有司

遺山先生集卷三

三

歲饒可會者六百鉅萬其于中國
得用者此研材也研作壁水掾

舊聞鸚鵡曾化石不數鷓鴣能瑩刀縣官歲費六百萬纔
得此研來臨洮玄雲膚寸天下徧壁水直上文星高辭翰
今誰江夏筆三錢無用試雞毛

贈休糧張鍊師

金沙霧散風雨疾一點黃金鑄秋橘中林宴坐人不知野
鹿銜花蜂課蜜富兒盤饌羅羶葷擾擾飛蠅復聚蚊見說
西山好薇蕨一枝青竹願隨君

天井關

石蹬盤盤積如鐵牛領成創馬蹄穴老天與世不相關玄

聖栖栖此同轍二十年前走大梁當時塵土困名場山頭
千尺枯松樹又見單車下太行自笑道塗頭白了依然直
北有羊腸

元遺山先生集卷第三終

遺山先生集卷三

元遺山先生集卷第四

讀書山房刻本

元張德輝頤齋類次

七言古詩

讀書山雪中

前年望歸歸不得去年中途腳無力殘生何意有今年突
兀家山墮眼前東家西家百壺酒主人捧觴客長壽先生
醉袖挽春回萬落千邨滿花柳山靈爲渠也放頤世界幻
入兜羅縣似嫌衣錦太寒乞別作玉屑妝山川人言少微
照鄉井準備黃雲三萬頃何人辦作陳瑩中來與先生共

炊餅

陳先生貶官後答京師人書云南州
有何事今年好雪明年炊餅大耳

遺山先生集卷四

題商孟卿家明皇合曲圖

海棠一株春一國燕燕鶯鶯作寒食千古萬古開元日三
郎搗管仰面吹天公大笑嗔不得甯王天人玉不如番絳
樂句不可無宮腰不案羽衣譜疾舞底用牧豬奴風聲水
聲闕清都夢中令人羨華胥何時卻竝宮牆聽恨不將身
作李暮

過晉陽故城書事

惠遠祠前晉溪水翠葉銀花清見底水上西山如臥屏鬱
鬱蒼蒼二百里中原北門形勢雄想見城闕雲煙中望川
亭上閱今古但有麥浪搖春風君不見繫舟山頭龍角禿

白塔一摧城覆沒，薛王出降民不降。屋瓦亂飛如箭鏃，汾流決入大夏門。府治移著唐明邨，只從巨屏失光彩。河洛幾度風煙昏，東闕蒼龍西玉虎。金雀觚稜上雲雨，不論民居與官府。僊佛所廬餘百所，鬼役天財千萬古。爭教一炬成焦土，至今父老哭向天。死恨河南往來苦，南人鬼巫好禳祥。萬夫畚鍤開連岡，官街十字改丁字。釘破并州渠，亦亾幾時卻到承平了。重看官家築晉陽。

蟾池

老墓食月飽復吐，天公一目頻年替。下界新增養蟾戶，玉斧誰憐修月苦。郡國蟾池知幾所，碧玉清流水僊府。小蟾徐行腹如鼓，大蟾張頤怒於虎。渠家睂閒有黃乳膏，梁大丁正須汝何人敢與月復讎。疾過池頭不容語，向來屬私今屬官。從今見墓當好看，爬沙卽上青雲端。

贈答張教授仲文

秋鐙搖搖風拂席，夜聞嘆聲無處覓。疑作金荃怨曲蘭畹，辭元是寒螿月中泣。世閒刺繡多絕巧，石竹殷紅土花碧。窮愁入骨死不銷，誰與渠儂洗寒乞。東坡胸次丹青國，天孫練絲天女織。倒鳳顛鸞金粟尺，裁斷瓊絹三萬匹。辛郎偷發金錦箱，飛浸海東星斗溼。醉中握手一長嗟，樂府數

來今幾家贖借春風染華髮，筆頭留看五雲花。

七言長詩
于中獨一

句九言章郎有此
例長吉亦有此例

高門關

高門關頭霜樹老細路千山萬山繞亂餘邨落不見人霰
雪霏霏暗清曉莘川百里如掌平閒田滿眼人得耕山中
樹莖亦不惡誰遣多田知姓名許李申楊竟何得只今唯
有石灘聲

許致忠楊揚臣申伯勝李仲常名宦四家隱
盧氏時以多田推之亂後俱不知所在矣

甲辰秋洛陽得黃葵子種之南庵明年夏六月作花
佛經所謂閻浮檀金明淨柔軟令人愛樂者此花
可以當之因爲賦長韻余方以病止酒故卒章及
之

遺山先生集卷四

三

芳蕤浥露嬌黃溼五疊湘裙輕篋積晨妝午醉一日閒白
白紅紅總狼籍上陽宮女耍頭冠摹寫雖工成的難看來
明淨復柔軟花中乃有閻浮檀千里移根洛陽陌主人不
飲誰看客乞與金杯自傾側明年爲渠當舉白

馬嶺

僊人臺高鶴飛度錦繡堂傾去無路人言馬嶺差可行比
似黃榆猶坦步石門木落風颺颺僕夫衣單往南州皋落
東南三百里鬢毛衰颯兩年秋

予去歲往河南遷
奉亦取黃榆嶺路

雲峽并序

君璋啟事西涼占對稱首其還也行臺公以宣和寶石

爲賦奇秀溫潤信天壤閒之尤物君璋因之曰雲峽邀
詞客賦詩余亦同作

石盆清冷貯秋水水面蒼煙飛不起一堆寒碧几斫閒寶
氣崢嶸插箕尾中山雪浪空影像長安鸚鵡猶欲倚枉著
奇章甲乙中槁項纔堪把耕耒不知天壤此尤物鬼刻神
剗通有幾薰蒸似欲出泉脈瑩滑定應凝石髓剝裂雲華
漬月秋辛苦詩僊費摹擬車箱箭筈連西東仇池百穴窗
玲瓏飛墮不嫌靈鷲小奇揆已覺太湖空故都喬木今如
此夢想熙春百花裏膏血綱船枯九州亾國愁顏爲誰洗
主人天質粹以溫天然與山作知聞退食從容北窗臥今

遺山先生集卷四

四

古起滅真浮雲

仙人王子可賦石淙有
石裂雲華漬月秋之句

雲巖

井序

觀州倅武伯英惇縣人少日舉進士有詩名其賦剪燭
刀有啼殘瘦玉蘭心吐蹴落春紅燕尾香之句甚爲時
輩所稱家故饒財第宅園亭爲河東之冠貯書有萬卷
樓嘉花珍果悉自他州移植爲人多伎巧山水雜畫斲
琴和墨皆極其工嘗得宣和湖石一竅竅穿漏殆若神
劉鬼鑿炷香其下則煙氣四起散布槃水上濃澹霏拂
有煙江疊嶂之韻吾鄉衣冠家法書名畫及藏書之多
亦有伯英相上下者伯英獨特寶石以擅奇汾晉閒耳

興定末伯英歿於關中楊戶部叔玉購石得之王辰圍
城中以示余且命作詩危急存亡之際不暇及也乙巳
冬十一月來東平過聖與張君之新軒而此石在焉聖
與名之曰雲巖余問石所從來聖與言夏津王帥得之
汴梁泥塗中而以見貽余因歎一物之微經歷世變遷
徙南北乃復爲好事者之所寶玩似不偶然乃爲詩道
其故聖與二世相家以文章名海內其才情風調不減
前世賀東山晏叔原故卒章以蕭閒明秀峰故事屬之
壺中九華玉孱顏紫煙著水往復還小窗虛明澹相對不
數漢宮銅博山會稽禹穴深無底寶石偷來定山鬼一堆
遺山先生集卷四

五

寒碧殊不凡滿谷春雲更堪喜阿欣秀發見眉宇小杜才
情淪骨髓摩挲不作几上看繚白紵青便千里渾沌日鑿
餘空嵌漏天蒸溼繞風嵐世外元無種香國海內真有補
陀巖觀州愛玩頻洵被民部平生幾薰沐藏身夜壑未厭
深竟作新軒坐中物一天星月入金尊翠射娉婷自有人
只欠宣和鄭先覺爲君留寫五湖真

劉遠筆

老貌力能舉玉杵文陣挽強猶百鈞惜哉變化太狡獪嚮
也褐衣今虎文宣城諸葛寂無聞前後兩劉新冊勳謝郎
神鋒恨太雋雖然豈不超人羣三錢雞毛吐皇墳尖奴定

能張吾軍何時酌我百壺酒爲汝醉草壘天雲
狡獪變化事見麻姑

贈周良老

于公斷獄多平反高門大車在乃孫我居聊城欲二載喜
見周叟醕而溫十年大理書上考宜有陽報如于門大兒
書來問安否兵饑不死天所存鄭孫毛骨殊秀發寶氣鬱
鬱含朝暎機聲嘔啞聒朝昏種瓠五石富酒尊是翁福祿
知未艾昆弟和樂連株根白髮阿兄應念我南雲寂寞賦
招魂

鴻溝同欽叔賦

道山先生集卷四

六

劉郎著手乾坤了未害與渠分九州夸兒衣繡自楚楚作
計豈復西鴻溝雌雄自決已無策尺寸必爭唯上流韓生
已死言猶在千載令人笑沐猴

雪中自洛陽還嵩山

道人薄有塵外緣迫入塵埃私自憐三十六峯一茅屋夢
裏西家掠社錢津津喜色見睂宇峩峩青城當眼前蹇驢
徑入風煙去恰是梅花欲雪天

祖唐臣愚庵

小智胠篋盜所羞大智移國鬼與讎浮生匹絹兩孟粥心
計擾擾知何求青州荊州兔三窟古人今人貉一丘喚起

羅池柳夫子與君同醉嘗家洲

過井陘

北山亭亭如驛埃南山眈眈虎翹首土門東頭望井陘漢
家風雲自奔走市人豈識英雄材金鼓一朝天上來此山
行人萬萬古幾不磨滅隨蒿萊白鹿祠前一杯水蒼顏聊
爲洗塵埃

北岳

太茂維嶽古帝孫太樸未散真巧存乾坤自有靈境在地
位豈合他山尊中原旌旗白日暗上階樓觀蒼煙屯誰能
借我兩黃鶴長袖一拂玄都門

遺山先生集卷四

七

天涯山

九州上游推大鹵獨恨山形頗稚魯天涯一峯今日看快
似昂頭出環堵何年氣母此融結鬼鑿神鑿未奇古八窗
玲瓏透朝日洞穴慘澹藏雷雨苔花錦石粲可喜乞與雲
煙相媚嫵半空擲下金芙蕖想得飛來自玄圃傳聞絕頂
更靈異云是清都羣玉府五雲飛步吾未能風袂泠泠已
輕舉東州死愛華不注向在陋邦何足數敬亭不著謝宣
城斷岸何緣比天姥酒船何時朝復暮倒卷滹沱浣塵土
喚起山靈搥石鼓漢女湘妃出歌舞詩狂他日笑遺山飯

顥不妨嘲杜甫

山有石
鼓神祠

智仲可月下彈琴圖

莫春舞雩鼓瑟希琴語解吐胸中奇誰言手揮七絃易大笑虎頭真絕癡北風蕭蕭路何永流波湯湯君自知三尺絲桐儘堪老兒童休訝鶴書遲

常山姝生四十月能搦管作字筆意開廓有成人之量喜爲賦詩使洛誦之

大兒小兒舞商羊東家西家捉迷藏牙牙作羣雁雁行是中乃有常山郎常山嬌嬌可憐蟲四歲未有三歲強黑鷹厥殼自神駿黃犢放腳須跳梁只知見紙卽塗抹誰謂轉腕能低昂渠家兩公厥天荒劉輝夢靈果專場榮鄉亭中

遺山先生集卷四

八

詩版在岐山名字香山香此郎晚出西樞房虎穴虎子不可當天驚地怪見落筆便合抱送中書堂文星煌煌照燕南青青子衿滿恒陽教官連被鳳尾諾瑞物多生金粟岡兒曹變化不作難何必二十始乖張明年作字一丈大常有棱角巫光茫回頭卻看元叔綱鼻涕過口尺許長常山白寓齋第三子叔綱遺山之季子也

贈利州侯神童

生十四月識字予見時生二十一月識字無算

牙牙點妝杏蕾紅阿兄抱之來學宮今春學語語未正已能見書識名姓隨指隨讀無數重多生想會文字中極知之無不足訝更忍洛誦難爲功土中松粒龍爪脫萬牛

山起毫末君不見黃金寶鼎翡翠青未要春官許衣鉢人
間失卻麻神童明星煌煌出蒼龍只知江陵圖籍盡一火
誰謂死草生華風遺山老子未老在見汝吐焰如長虹

兒字

鼎金

奚官牧馬圖息軒畫

曹韓畫樣出中祕燕市死骨空千金息軒筆底真龍出凡
馬一空無古今安閒自與人意熟瀟灑更覺天機淡奚官
有知應解笑世無坡僊誰賞音

紫微劉丈山水爲濟川賦

畫家李范真勃敵方外只今誰第一自非劉宗祭酒阜昌

遺山先生集卷四

九

孫未信僊翁輕落筆長洲遠浦各清冷萬頃風煙一草亭
千章古木散巖谷鶴髮松姿餘典刑紙尾不須題姓字人
人知是老人星

王右丞雪霽捕魚圖

江雲混混陰晴半沙雪離離點江岸畫中不信有天機細
向樹林枯處看漁浦移家媿未能扁舟蕭散亦何曾白頭
歲月黃塵底笑殺高人王右丞

跋酒門限邵和卿醉歸圖

邵伯祿之父

邵翁頭白甫三十高吟大醉無虛日風流若似靖南湖每
恨聞名不相識太平邨落自由身童稚扶攜意更真醉歸

圖上見顏色喜溫脣宇猶津津好著蹇驢馱我去與君同
醉杏園春

題張彥寶陵川西溪圖

松林蕭蕭映靈宇爍石流金不知暑太平散人江表來自
訪清涼造僊府不到西溪四十年溪光林影想依然當時
膝上王文度五字詩成眾口傳忽見畫圖疑是夢而今塵
土浣華顛本送字今改作浣字陵川在太行之顛蓋天壤
間清涼境界也江淮太平散人題詩東廟自己
造仙府恨居民不知其樂耳此縣先君子舊治宴游西溪
僕以童子侍焉彥寶出此圖求賦詩感今懷昔爲之愴然
故篇中有及癸丑
十一月二日題

汝州倅韓君德華其十二世祖相遠封魯公故名其

遺山先生集卷四

十

伯男子曰魯王父命氏古蓋有之余過其家命魯
出拜謂余言魯名矣而未有字敢以爲請余字之

世公德華曰願終教之乃申之以辭

昌黎諸韓散盧龍魯公相遠開邑封雁行先後六侍中大
參高文紀神功龜石穹窿與天終百年故家餘素風汝州
有子今成童攷古制名龜筮從貴以道義飭汝躬良璞不
治凡石同貞而絕俗孰子容濟質以文介而通願雖宗起
其起宗魯也不慚袁氏公

壬子冬至新軒張兄聖與求爲兒子阿平制名余名

之曰琥以仲耽字之小字明復有善禱之義焉詩

不工當令阿耽灑落誦之
阿平玉雪絕可憐皎如鶴雛下青田呼來拜客挽不前啼
聲如聞過秦篇陳王人門漢韋賢新軒文筆尤翩翩大弔
掛壁誰使然我知一經會有傳玄默之冬客須城問平之
年纔五齡迺公爲兒求制名兒名從虎玉與并仲耽爲字
以字行佛書舊說無空青豈知空青今有形紫公紫公還
我明看見著腳青雲平

世宗御書田不伐望月婆羅門引先得楚字韻

瑤光樓前按歌舞桂樹秋香月三五白頭誰解記開元四
海歡聲沸簫鼓兩都秋色皆喬木三月阿房已焦土天上

遺山先生集卷四

十一

亦有別離情可是田郎心獨苦承平舊物霓裳譜寶氣暉
暉映千古銀橋望極竟不歸滅沒燕鴻下平楚

送崔夢臣北上 并序

子真抱關買臣負薪朝奏暮召名動搢紳此有志之士
所以自奮於昌辰者邪夢臣崔卿玉樹清姿土門華胄
成童授學與雞俱興肆筆成書倚馬可待雖泌水之洋
洋堪樂舜門之穆穆方開惜歲月之虛捐欲雲霄之坐
致遇順風而縱大壑其孰禦之登金馬而上玉堂在此
行矣詩以勸駕序甯闕乎癸丑二月望日新興元某序
并州書郎年少客細馬金鞭日三百生平意氣陵青雲未

怕天山雪花白西園此日盛徐陳鳳閣鸞臺氣象新由來
草創資潤色況復天造須經綸他日南歸吾未老與君同
醉晉溪春

送王彥華

中朝名勝龍山冀喜色門闌得佳壻一朝天府效驅馳萬
里青雲在平地金粟岡頭俊造多莫從人品問如何迂齋
受學青衿日殷重遺山爲拊摩東國人倫吾豈敢只憑月
旦波魏科

李成之王彥華趙孝先以提學命見餉佳酒且求制

名輒以詩記之

遺山先生集卷四

十三

子雲寂寞將誰親延之麤豪意自真君家公壻兩冰玉酒
味白合清而醕雲腴俗士無風神紅珠女兒茜裙新一杯
香絕韻亦絕只今惟有醑醑春

劉時舉節制雲南

雲南山高去天尺漢家弦聲雷破壁九州之外更九州海
色澂清映南極幽并豪俠熹功名咄嗟顧盼風雲生今年
肘後印如斗過眼已覺烏鬢平諭蜀相如今老矣不妨銅
柱有新名

贈張潤之

許年不唱龍津第人物尤難到衰世明堂他日要榘楠造

物也須論蚤計管人稟賦例真清兒能讀書知養親遺山
門客富儒雅綠髮張郎名姓新莫道琴工有師法海山溪
絕解移人潤之資甚美故就其可致者而勉之他日學業有成老夫當以風鑒自負矣

許道甯寒溪古木圖

道人醉袖蟠蛟龍埽出古木牙須雄開卷飄飄來陰風翟
卿論畫凡馬空能知畫與詩同宗解衣盤礴非眾工遺山
筆頭有關全意匠已在風雲中留待他日不恩恩

送張書記子益從嚴相北上

井序

子益省郎觀國之光從公于邁揚雄詞賦良借力於吹
噓鄧禹功名本無心於祿仕詩以送別亦以趣其歸云

遺山先生集卷四

七

故家人物饒奇俊聳壑昂霄今已信康侯畫接拜寵光百
里自應沾海潤六月貂裘風雪濼天河天駟日駸駸莫把
聲華動臺閣東方書檄要陳琳

贈別孫德謙

津橋巫楊雪花白挽斷春衫苦留客西湖一雨春意濃絕
似銅駝洛陽陌湖亭轟醉臥春風到手金杯不放空鵲山
一帶傷心碧羨殺孫郎馬首東

汾亭古意圖

堯民羲皇去未遠日作日息天機全杜侯袖裏姑汾筆辦
與南華談窅然廢興知經幾今昔淳樸別有一山川白雲

亭上秋風客不比僂翁甲子年
元祐以來郭熙明昌泰和閒張公佐昔年過入十而
以山水壚名今雲中杜丈莘老與張郭年相若而畫品不
下古人爲侯廣道作汾亭古意橫披灑然有塵外意爲題
四韻其後神仙張果生帝堯甲子
年詩家亦傳習用之故末句有及

太原贈張彥遠

并州城邊十月末清霜稜稜風入骨因君夜話吳江春酒
光激灑金杯滑閑閑騎鯨去滅沒當年愛君俊於鶻平生
我亦識翁人惆悵流年如電抹官家新築文昌臺蒼生不
憂墮顛厓眼看東閣奇士滿如君豈得藏蒿萊晨雞未鳴
子當發明星煌煌大於月野夫一笑冠纓絕

換得雲臺帖喜而賦詩

遺山先生集卷四

十四

周官武臣奉朝請劒佩束縛非天真世閒曾有華陀帖神
物已化延平津米狂雄筆照萬古北宗草書纔九人今日
雲臺見遺墨黃金牢鎖玉麒麟

鹿泉新居二十四韻

土門西邊井陘渡野日荒荒下汀樹榆關石嶺都幾程客
夢往往迷歸路塵埃風雨半生過儘著筋骸支世故甯州
假館又兩年未保束來不西去山城百家家有山覲面呈
山誰一顧賣書買得呂氏園不謂全山舉相付北厓老作
土灰色擁腫形模一夸父娟娟正有小峨嵋卻立不容親
杖屨就中抱犢尤峭拔望見韓山卽攀附韓王堦頭四望

闕全趙米如纔數聚眼中麾蓋天上來泝水鼓旗紛偃仆
漢家威靈萬萬古石子連岡猶虎距夏秋眾壑會鹿泉浩
浩湍聲瀉餘怒西南諸峯不知數蕩海鯤鱷尻背露霏煙
空翠有無中百態陰晴變朝暮靈巖龍泉會一到獨欠封
龍展衰步學僊不愛徐童花李相書龕心所慕生平懷抱
向山盡老氣崔嵬如有助巖居枯寂朝市喧喧寂兩閒差
有趣得行固願留不惡流坎且當隨所遇何曾萬錢何用
許方丈有山容下筇管城初無食肉相黃帽非供折腰具
明年高築野史亭天已安排看山處多慙不及謝宣城標
出敬亭天一柱一本尙慙不及謝宣城標出敬亭
天一柱在方丈有山容下筇之下

遺山先生集卷四

五

過劉子中新居

鄆州城隅兩茅屋市聲喧喧自幽獨春風吹盡山杏花只
有青青一叢竹先生愛畫如惜玉練鵲翔鸞餘百軸大兒
跟鏘挾書歸土銼疏煙纔一粥微官枉負半生閒也著區
區簿領閒何時卻與溪南老紫蓋山前共往還子中舊與
溪南詩老
辛敬之游
故有下句

東湖次及之韻 以下續編

西山山頭山月白倒影漣漪舞寒碧竹溪花壘要君詩醉
墨幾番枯麻滴東湖佳處詩已盡矯首不知川路隔當年
韓賈文章伯物色分留到佳客此州何必減蘇州頻有詩

人來列職一時人境偶相值萬古風流餘此席三堂風月
今猶昔擬拂塵纓問投迹因君寄謝使君公卻恐他年厭
求索

贈郝萬戶

阿卿袖中五色筆弦聲裂石雷破壁繡衣千騎東方來俊
氣崢嶸蜀山碧詩書義府無古今祭遵軍中亦歌吟密侯
勲業君自識計算不數韓淮陰莫看仁柔行儒雅朱輪畫
轂見大心

鄧禹封
高密侯

王學士熊岳圖

洗澗池水甜於蜜玉堂仙翁髮如漆膝前文度更風流盡
遺山先生集卷四

六

卷風流入詩筆長松手種欲摩天海岳樓空落照邊古來
說有遼東鶴仙語星星誰爲傳五百年閒異人出卻將錦
繡裹山川

贈史子桓尋親之行

七十老親頭雪白滿意晨昏慰顏色兵塵瀕洞君不愛萬
里天心不相隔八月秋霖九月霜破帽北風官路長瓜田
故侯貧且病愛莫助之徒自傷後日書來聞吉語通家猶
得似南陽

